



МЕСЯЦА НОЯБРЯ В 27-Й ДЕНЬ

Празднование Пресвятѣй Владычице нашей
Богородице и Приснодѣве Маріи
ради Знаменія Ея,
бывшаго в Великом Новѣградѣ

НА МАЛОЙ ВЕЧЕРНИ

На Господи, воззвах: стихіры на 4,
глас 1.

Подобен: Небесных чинѡв:

Ныне настá день радостен / и веселія испол-
нен днесъ, / от скорбѣй бо пременение, Дѣво
Богородительнице, / знамение иконы Твоея,
Пречыстая, / праздник свѣтел торжествую-
юще, зовѣм: / Владычице, избави от бед дѹши наша.

Се ныне время благоприятно, / се ныне день
спасенія, / се храм пресвѣтел и мѣсто священія, /
знаменія иконы Твоея, Пречыстая, / праздник
духовне совершающе, вопиѣм: / Владычице, Мати
Христа Бѡга, / избави от бед дѹши наша.

Чѹдное одолѣние, / и знамение страшно, и вещь
преслáвную / днесъ празднующе, людіе Твой, Бо-
городице, / похвálnую песнь с Гавриѣлом прино-
сим Ти, глаголюще: / радуйся, Обрадованная.

Слáва, и ныне, глас 1:

Дѣвна православных торжествá, / днесъ, стѣк-
шеся, псалѡмская пѣнія принесѣм, глаголюще: /
воскреснѣи, Господи, в покоѣи Твоѣй, / Ты и кивѡт
святѣни Твоея, / яко побѣду даровáл еси / ѡбраз
Пречыстыя Твоея Матере, Слѡве. / Еяже молѣтва-
ми, Иисѹсе всесѣильне, / спаси дѹши наша.

На стиховне стихиры, глас 2.

Подобен: Дóме Евфрафов:

Дóму премудрости Бóжия, чóднему святителю, /
явлься свётлым óбразом, / дерзати повелеваёт и
надéжди не отпада́ти.

Стих: Воскресни́, Гóсподи, в поко́й Твой, / Ты и
киво́т святы́ни Твоея́.

В храм Твой, Влады́чице, соше́дшеся, наро́ди, /
моля́щеся, глаго́лаху: / виждь озлобле́ние на́ше и
пода́ждь нам по́мощь, Пречи́стая.

Стих: Кля́тся Го́сподь Дави́ду и́стиною / и не
отве́ржется ея́.

Виждь, Пречи́стая, бе́ды раб Твои́х / и не
отри́ни нас в ко́нец, / на Твою́ по́мощь надéющих-
ся, / да вси́ вопи́ем Ти: / ра́дуйся, Обра́дованная.

Сла́ва, и ны́не, глас 1:

Стрело́ю стрели́вших неразу́мне / о́бразу Тво-
ему́, Пречи́стая, / Богора́нною стрело́ю тех уязви́ /
не то́кмо сердца́, но и ду́ши, / и исто́чник честны́я
ико́ны Твоея́ / тем неуте́шимый плачь наведе́, / нам
же, лю́дем Твои́м, / ра́дость ве́лию сотвори́ / ико́ною
Твоею́, Пречи́стая Ма́ти Сло́ва, / ея́же ра́ди спаси́
ду́ши на́ша.

Тропарь, глас 4: Я́ко необори́мую стéну: (зри
станицу 406)

НА ВЕЛИЦЕЙ ВЕЧЕРНИ

Стихологису́ем Блаже́н муж: первый антифо́н.
На Гóсподи, воззва́х: **стихи́ры на 8, глас 8.**
Самогласны:

Го́рдостию за́висти распали́вшеся / и не́йство-
ством одержи́ми, / иногда́ ненака́занныи, / начéнше
проти́вная на град Тво́й, Пречи́стая, / но о́баче
са́ми спя́ти бы́ша и падо́ша / псаломски при а́де,
Богороди́тельнице.

Внегда́ убо му́жие вели́каго Нова́града, / ви́дев-
ше себé проти́вными обсто́ймы, / ни отку́ду же
по́мощи надéющеся, / то́кмо Тебе́, Пречи́стая, моля́-
щеся, глаго́лаху: / виждь, Богороди́це, бе́ды раб
Твои́х / и не отри́ни моле́ния на́шего в ко́нец, / да
разуме́ют сопроти́внии, / я́ко Ты еси́, Пречи́стая,
заступле́ние душáм на́шим.

Дивную граду Твоему победу даровала еси, /
Дева Пречистая, / Ты бо еси тому твердое огражде-
ние, / на враги укрепляющи / и державно непоко-
ривыя покаряющи присно. / Темже чистою верою
славим Тя / и Сыну Твоему любезно вопием: /
Иисусе всеильне, спаси всех, яко милосерд.

Дал еси знамение животное, / образ пречистой
Твоей Матере, Слове, / Юже зряще, любезно обло-
бызаем, / и, от сей радости исполнившеся, / страш-
ни врагом борющимся с нами являемся, / и, таин-
ство премудрости Божия видевше, хвалим Тя, /
паче слова рождагося из Нея, / Иисусе, чудная
добро́то, / спаси всех, яко милосерд.

Слава, и ныне, глас 6:

Веселитесь, людие / и вси православнии собори
великаго Новграда, днесь, / и руками восплещите,
языцы, с веселием, / се бо Царица, Царя Христа
рождающая, / святителю явися чудным образом, /
дерзати народом повелевая, / якоже некий воево-
да, / в печали сущим тогда радость сотвори, /
сопротивных победивши, / и Тебе, радость рожд-
шей всем, любовью вопием: / Дева пречистая,
моли спастися душам нашим.

Вход. Прокимен дне. И чтения.

Бытия чтение (глава 28):

Изыде Иаков от студенца клятвеннаго / и иде в
Харрань. / И обрете место, и спя тамо, / зайде бо
солнце, / и взят от камня места того, и положи
возглавие себе, / и спя на месте оном, и сон виде: / и
се лествица утверждена на земли, / ейже глава
досязаше до небес, / и Ангели Божии восхождаху и
нисхождаху по ней. / Господь же утверждашеся на
ней, и рече: / Аз Бог Авраамов, отца твоего, / и Бог
Исааков, не бойся, / земля, идеже ты спиши на ней, /
тебе дам ю и семени твоему. / И будет семя твоё, яко
песок земный, / и распространится на море, и ливу,
и север, и на востоки. / И возблагодарятся о тебе
вся колена земная и о семени твоём. / И се Аз с
тобою, сохраняяй ты на всяком пути, а може аще
пойдеши. / И возвращу ты в землю сию, / яко не
имам тебе оставити, / дондеже сотворити Ми вся,
елика глаголах тебе. / И востя Иаков от сна своего

и рече: / яко есть Господь на месте сем, аз же не ведах. / И убояся, и рече: / яко страшно место сие, / несть сие, но дом Божии, / и сия врата небесная.

Пророчества Иезекиилева чтение
(главы 43 и 44):

Тако глаголет Господь: / будет от дне осмаго и прочее, / сотворят иереи на олтарі всеожжения вашего / и яже спасения вашего, и прииму вы, — глаголет Адонай Господь. / И обрати мя на путь врат святых внешних, зрящих на востоки, / и сия бяху затворена. / И рече Господь ко мне: / врата сия затворена будут и не отверзутся, / и никтоже пройдет сквозе их, / яко Господь Бог Израилев пройдет ими, и будут затворена. / Яко игумен сядет в них снести хлеб, / по пути Еламских врат внидет и по пути его изыдет. / И введе мя по пути врат святых, сущих к северу, прямо храму, / и видех, и се исполнь славы храм Господень.

Притчей чтение (глава 9):

Премудрость созда себе дом / и утверди столпов седмь. / Закла своя жертвенная, и раствори в чаши своей вино, / и уготова свою трапезу. / Посла своя рабы, созываючи с высоким проповеданием на чашу, глаголющи: / иже есть безумен, да уклонится ко мне, / и требующим ума рече: / приидите, ядите мой хлеб и пейте вино, / еже растворих вам. / Оставьте безумие, и живи будете, / и взыщите разума, да поживете, / и исправите разум в ведении. / Наказуяй злыя, примет себе безчестие, / обличаяй же нечестиваго, опорочит себе, / обличение бо нечестивому — раны ему. / Не обличай злых, да не возненавидят тебе, / обличай премудра, и возлюбит тя. / Дажь премудрому вино, и премудрший будет, / сказуй праведному, и приложит приимати. / Начало премудрости — страх Господень, и совет святых — разум. / Разумети бо закон — помысла есть благаго, / сим бо образом многое поживеши время, / и приложатся тебе лета живота.

На литий стихирь, глас 6:

Роги грешных сотрошася, / и лүцы их сокрушишася, / греховною бо тьмою очи

помрачѣвше, / и, друг друга яко сопротивна зряще, / ору́жием немѣлостивно себе уязвляху, / нарóди же, видевше по́мощь Твою́, Владычице, / на сопротивныя устремѣшася, / Тебѣ на по́мощь призывающе.

Якоже иногда́ крѣпкий Давѣд / сопротивляющагося гóрдаго Голиа́фа, / сілою Сы́на Твоего́ препоясався, низложѣ, / такожде и лю́дие Твоѣ, Пречѣстая, / имуще образ Твоѣ честный, / преславно одолѣние показаша.

Чудная побѣда и дѣвное одолѣние / честныя иконы Твоея, пречѣстая Мати Сло́ва, / удивляет ум и ужасает по́мысл, / безоружнии бо ору́жныя побеждаху / сілою Твоею, Дѣво всепѣтая, / и посóбием Божѣственнаго зра́ка Твоего́ / во спасѣние душамъ нашимъ.

Сла́ва, и ны́не, глас то́йже:

Се день избавлѣния нашего́ настá / и смѣрти пременѣние, / раду́йтесь, собóри днесъ вели́каго Новáграда, / и, веселящеся, торжествуйте, / ѣже бо на нас подвѣгшиися / конѣчне Богорáнными язвами уязвѣшася. / Тѣмже Пречѣстей и из Нея нетлѣнно воплощенному Сло́ву вопиѣм: / Иисусе всесѣльне, / моли́твами рóждшия Тя / спасѣи всех нас, яко милосѣрд.

На стихóвне стихи́ры, глас 1.

Самогласны:

Якоже дрѣвле во Иерусали́ме Зоровáвелем / держáвная Твоѣ десница́ чудодѣйствоваше, Гóсподи, / мнóжество безчѣсленное протѣвных победѣ, / такожде и сих низложѣ, / пришѣдших разорѣити град, / егóже искупѣл еси́ Крóвию Твоею, Сло́ве, / да разумѣют от дел, / яко Ты, Избáвитель, с нами еси́.

Стих: **Воскресни́, Гóсподи, в поко́й Твоѣ, / Ты и кивóт свѣтыни Твоея́.**

Дѣвна правосла́вных торжествá, / днесъ стѣкшеся, псалóмская пѣния принесѣм, глагóлюще: / воскресни́, Гóсподи, в поко́й Твоѣ, / Ты и кивóт свѣтыни Твоея́, / яко побѣду даровá образ / Пречѣстыя Твоея́ Матере, Сло́ве. / Ея́же моли́твами, Иисусе всесѣльне, / спасѣи дýши наша́.

Стих: Кля́тсѧ Господь Давиду́ истиною / и не отвержѧ еѧ.

Стрелю́ю стрели́вших неразу́мне образу́ Твоему́, Пречы́стая, / Богора́нною стрелю́ю тех уязви́ / не то́кмо сердца́, но и ду́ши, / и исто́чник честны́я ико́ны Твоеѧ / тем неуте́шимый плачь наведе́, / нам же, лю́дем Твоѧ, ра́дость ве́лию сотвори́ / ико́на Твоя́, пречы́стая Ма́ти Сло́ва, / еѧже ра́ди спаси́ ду́ши на́ша.

Сла́ва, и ны́не, глас 8:

Мня́щесѧ непокори́вии / от основа́ния разори́ти град Тво́й, Пречы́стая, / не разуме́вше по́мощь Твою́, Влады́чице, / но си́лою Твоею́ низложе́ни бы́ша, / на бежа́ние устремля́хусѧ, / и, я́коже ю́зами желе́зными, слепото́ю связа́ни бы́вше / и мра́ком, я́коже дре́вле Египет, объ́яти не разуме́вше, / до́ндеже и коне́чне побежде́ни бы́ша. / Те́мже чы́стою ве́рою сла́вим Тя / и Сы́ну Твоему́ любе́зно вопие́м: / моли́твами ро́ждшиѧ Тя, / Иису́се всеси́льне, неизрече́нная ра́досте, / сохраня́й град Тво́й невредѧм, / я́ко милосе́рд и Человеколю́бец.

На благословѣнии хлѣбов тропа́рь три́жды. Аще несть бде́ния, глаго́лем тропа́рь еди́ножды.

Тропа́рь, глас 4:

Я́ко необори́мую стѣну и исто́чник чудес / стяжа́вше Тя раби́ Твоѧ, / Богоро́дице пречы́стая, / сопроти́вных ополче́ния низлага́ем. / Те́мже мо́лим Тя: / мир граду́ Твоему́ да́руй / и душам на́шим ве́лию ми́лость.

НА УТРЕНИ

На Бог Господь: тропа́рь: Я́ко необори́мую стѣну: три́жды.

По 1-м стихосло́вию седа́лен, глас 4.

Подобен: Яви́лся еси́ днесь:

Очи мы́сленныѧ очы́стивше, приидѧте, ли́цы вели́каго Нова́града, днесь / торже́ствуѧм свѣ́тло, чту́ще Богоотрокови́цу, добро́ту Иа́ковлю / и Невѣ́сту всех Ца́ря, Хри́ста Бо́га на́шего, / Сѧ́ бо показáся не́бо, и кра́сная пала́та, и храм одушевле́нный, / и Сеѧ́ си́лою проти́вныѧ побежда́ем.

Слава, и ныне, тойже.

По 2-м стихословии седален, глас 1.

Подобен: Гроб Твой, Спасе:

**Пречистая Твоя икона, Богородице Дёво, /
врачевство граду Твоему даровася духовное, / к
нейже приходяще, поклоняемся, и чествуем, / и от
желания сердца целуем, исцелений благодать
почерпающе, / и недуг телесных, и душевных
страстей Твоими молитвами свободждаемся.**

Слава, и ныне, тойже.

Величания:

**Достойно есть блажити Тя, / Богородице Дёво, /
честнейшую Херувим / и славнейшую без сравне-
ния Серафим. Или: Песнь всяку духовную прине-
сём Богородице.**

Ино величание:

**Величаем Тя, / Пресвятая Дёво, / Богоизбран-
ная Отроковице, / и чтим образ Твой святой, /
имже дивную победу на сопротивных / граду
Твоему даровала еси.**

Ино величание:

**Величаем Тя, / Пресвятая Дёво, / и чтим образ
Твой честный, / имже показала еси / преславное
знамение.**

Ино величание, иже в Великом Новгороде:

**Величаем Тя, Пресвятая Дёво, / и чтим образ
Твой честный, / имже победу на враги даровала /
граду нашему.**

По полиелену седален, глас 8.

Подобен: Повеленное:

**Яже небес превъшши сущи, / и Херувим вой-
стинну славнейши, / и всея твари честнейши, Дёво
пречистая, / днесь благодарственная, раби Твой,
приносим образу честнаго Твоего подобия, / Ты бо
странную * победу и дивное одоление граду Твоему
даровала еси. / Темже, согласно поюще, вопиём
Ти: / Владычице Богородице, / моли Христа Бога
грехов оставление даровати, / Тебе бо надежду
имамы, раби Твой.**

Слава, и ныне, тойже:

* странную — удивительную, чудную, непостижимую

Степéнна, 1-й антифóн 4-го гласа. Прокíмен: Слѣши, Дщи, и виждь, и приклонí ухо Твое. **Стих:** Отрѣгну сѣрдце мое слово благо: **В**сякое дыхáние: **Евáнгелие от Луки, зачáло 4:** Во дни óны, востáвши Мариáм:

По 50-м псалмѣ стихíра, глас 6: Веселитесь, лю́дие: **Пíсана на велицей вечерни на Гóсподи, воззвáх: славник (зри страницу 403).** **Канóна 2:** ирмо́сы перваго канóна по двáжды, тропарí во обою на 12.

Канóн 1-й, творéние священномóнаха Пахóмия Логофѣта, егóже краегранѣсие: Даждь ми, Сло́ве Бóжий, восхвалíти Рóждшую Тя.

Глас 6.

Песнь 1

Ирмо́с: *Волно́ю морско́ю / Скрѣвшаго дрѣвле гонíтеля, мучíтеля, / под землѣю скрѣша спасѣнных óтроцы, / но мы, я́ко отрокови́цы, / Гóсподеви по́йм, / сла́вно бо просла́вися.*

Да радуется радостию Божѣственнойно мно́жество Нова́града днесь, / зря́ще тёплую Засту́пницу, странну побѣду да́рующую на протíвныя, / и да поёт Божѣственными пѣсньми.

Я́коже лѣствицу превысо́ку, зрим днесь ико́ну Твою́, Дѣво всенепорóчная, / ю́же сопротíвнии зря́ще, конѣчней слепотѣ преда́шася, / мы же, к ней вѣрне взира́юще, от бед избавля́емся.

В рождествѣ тли не при́ймши, / тлѣния всех нас, Дѣво, измени́, / печáли уставля́ющи* ма́терним пременѣнием, Богора́дованная.

Другíй канóн. Глас 8.

Ирмо́с: *Посѣченный несеко́мага пресечѣ, / и вíде со́лнце зѣмлю, ю́же не вíде, / лю́таго врага́ вода́ потопí, / и непроходíмое прóйде Изра́иль, / песнь же воспевáшеся, / Гóсподеви по́йм, сла́вно бо просла́вися.*

Божѣственныя сýлы жезл днесь приоблиста́я благода́тию / и свѣтом безме́рным Бóжие свято жили́ще, / чу́до па́че естества́ о́браза Твоего́, Пречíстая.

* уставля́ющи — прекра́щающи, избавля́ющи

Видехом преслáвное днесь знáмение бѣвшее Божѣственнаго Твоего зрáка, Мáти Бóжия, / пáче же и сопротивнии óни, яко видяще со óбразом и силу отвращáющую, / áбие телесныма очима ослепóша.

Надѣжду имúще на Тебѣ, Богородительнице, / и несумнѣнну вѣру Новáграда нарóди, / Тебѣ граду забрáла положиша, Дѣво Неискусобráчная.

Якоже живу Мáтерь Слóва видевше Тя суемúдренныхъ многочíсленное во́инство, / якоже бóдреннаго блюстителя, на забрáлех обсто́йму вѣрными, / áбие рúце ихъ с прóчими úды ослабѣша.

Катавасия: Христóс раждáется:

Песнь 3

Ирмóс: Тобóю, Христѣ, Небесá утверждáема вся, / Слóво Бóжие и сила, / исповѣдаютъ слáву неизречѣнну / и вседѣтельныя руки Твоея сотворѣние, / несть бо пресвѣт, рáзве Тебѣ, Гóсподи.

Яко звѣри, устремившеся на стадо Твое, Пречíстая, / но Ты техъ чѣлюсти сокруши / и сихъ нѣмощны до концá показá.

Общаго пáстыря, Влады́ку Христá рóждши, Дѣво неискусобráчная, / Тому́ моли́ся настоящаго гнѣва избáвити нас / и противныхъ обсто́яния, Влады́чице.

Мíлостивая, Мíлостиваго рóждши Спáса, / виждь озлоблѣние и въздыхáние людѣй Твоихъ, / ускори́, Пречíстая, и ущѣдри ны.

Ин

Ирмóс: Утверждѣй в началѣ Небесá рáзумом / и зѣмлю на водахъ основáвий, / на кáмени мя, Христѣ, заповедей Твоихъ утверди́, / яко несть свѣт, пáче Тебѣ, Едíне Человеколю́бче.

Первое úбо вседержительная Твоя десни́ца, Гóсподи, / Моисеемъ чудодѣйствуя, помрачáше Егíпет, / тáкожде и zde пришедшия разорíti град Твой / óбразом Мáтере Твоея помрачáеши.

Якоже услы́ша чúдный архиепíскоп обеща́ние Твое, Богородительнице, / благовествова́ше нарóдомъ рáдость, глаго́ля: / дерзáйте, Мáти бо Бóга нашего с нами есть.

Преслávную побéду, испóлнену ўжаса, видевше, / йже тогда наро́ди на сопроти́вныя ополчи́вшиеся / и а́бие до конца́ тех победíша.

Ны́не настá день весéлия— / Зна́мения ико́ны Твоея́, Де́во Богороди́тельнице, / и пра́здник свéтел, егóже соверша́юще, вопи́ем: / несть пречи́стия, па́че Тебе́, Богоневéсто,

Седáлен, глас 8.

Подóбен: Премудрости:

Я́же дрéвле проро́ки проповéдася, дверь небéсная, / неопали́мая купина́, свéщник многосвéтлый, / златáя кади́льница, рúчка и жéзл / преслávно днесь чúднему святителю́ явля́ется, / наро́дом дерзáти повелева́ет и дивную побéду показу́ет. / Тёмже благодарна́я Той возопи́им: / Де́во Богороди́тельнице, / моли́ Христа́ Бо́га грехóв оставлénие дарова́ти нам, / Тебе́ бо ймамы наде́жду, раби́ Твой.

Сла́ва, и ны́не, то́йже.

Песнь 4

Ирмо́с: Удиви́ся Тво́й рáзум от мене́, / услы́шавшу преслávная велéния смотре́ния Твоего́, / укрепи́ся же возлюблénием Твоего́ схождénия, / Ты бо моя́ нищеты́ не отвéрглся еси́.

Почита́ющий Тя град, Пречи́стая, и по до́лгу сла́влящий, / огражда́й от безбо́жных, Чи́стая, иноплеме́нник, / Ты бо тому́, Пречи́стая, бога́тство неотъёмлемо еси́, покрóв же и сла́ва.

Мня́щиися, я́коже дрéвле Иерихóн, / разорíти град Твой, пречи́стая Ма́ти Сло́ва, / са́ми конéчней поги́бели преда́шася / си́лою из Тебе́ Воплощённаго, Влады́чице.

При́зри, Чи́стая, / спаси́ пою́щия Тя, потреби́тися хотя́ща от сопроти́вных, / тёмже наше́дшаго прещéния избáви, Богороди́тельнице.

Ин

Ирмо́с: Ты моя́ крéпость, Го́споди, / Ты моя́ и си́ла, / Ты мой Бог, Ты моé ра́дование, / не оста́вь нéдра Отча / и на́шу нищету́ посетив. / Тем с проро́ком Авваку́мом зову́ Ти: / си́ле Твое́й сла́ва, Человеколю́бче.

Егда услышаша народи чудное обещание победы, / радостию неизреченною исполнившись, / и, якоже крепка некоего хранителя имуща, сопротивныя побеждаху.

Многобогатный дар и неистощимое сокровище / даровал еси граду Твоему — иконе Матере Твоея, Слове, / и Сея помощию противныя низлагаем.

В божественном храме Твоем, Богорадованная, / идеже чудотворная Твоя икона положена бысть, / исцеления верою приходящим подавает.

Собори верных и всяко состояние человеческое веселится, / совокупльшися в честном храме Твоем, / зряще в нем, якоже пресветлое солнце, честный образ Твой, Владычице.

Песнь 5

Ирмос: Союзом любви / связуеми апостоли, / владычествуящему всеми себе Христу возложше, / красны ноги очищаху, / благовествуяще всем мир.

Теплая заступница к Тебе прибегающим / и ненадеющимся надежда, / виждь озлобление людей Твоих и подаждь помощь, Пречистая.

Яже огонь рождающая Божественный, Дево, / противных, Пречистая, молитвою Твоею огнем попали, / яко Мати сущи Зиждителя, Всепетая.

Чистая Богоневесто, / недоуменныя люди ущедри матерними Твоими мольбами / и яже на ны противных обстояния разори вскоре молитвами Твоими.

Ин

Ирмос: Вскую мя отринул еси / от лица Твоего, Свете Незаходимый, / и покрыла мя есть чуждая тьма, окайннаго, / но обрати мя и к свету заповедей Твоих / пути моя направи, молюся.

Якоже иногда в царствующем граде / неистовящаго и хулителя, хотящаго образ Твой низложить, / того абие конечно уязви, / такожде и ныне показала еси, Богородительнице.

Яко щитом, ограждаеми непобедимую Твоею силою, Дево, / противных побеждают неизреченное множество / на Тя надежду имущии людие Твои, Всепетая.

Тя богатство неистощимое имуще и исцелений источник / верою прибегающий храму Твоему, / идеже пребывает честный образ Твой, Владычице.

Песнь 6

Ирмос: **Я**т бысть, / но не удержан в персех китовых Иона, / Твой бо образ нося, / страдавшего и погребению давшегося, / яко от чертога, от зверя изыде, / приглашаше же кустодии *, / хранящие суетная и ложная, / милость сию оставили есте.

Избави ратных нашествия рабы Твоя, Пречистая, / и не предаждь до конца погибнути наследию Твоему, Всепетая, / но силою из Тебе Рожденнаго противныя низложит.

Многосогреших Тебе не презри, / но прими мольбу Матере Твоея о нас, Щедре, / да не похвалятся сопротивнии, — где есть Бог их? — глаголюще, / но да разумют вси, яко Ты, Избавитель, с нами еси.

Ныне помощи прииде время, / ныне пременения потреба, Чистая. / Молися Сыну Твоему и Богу, / яко да ущедрит согрешившия и належашаго гнева избавит.

Ин

Ирмос: **М**олитву пролию ко Господу, / и Тому возведу печали моя, / яко зол душа моя исполнися / и живот мой аду приближися, / и молюся, яко Иона: / от тли, Боже, возведи мя.

Сущему тогда чудному архиерею / явилася еси страшным образом, на дерзость подвизаючи, / народи же, неизреченныя радости исполнившиеся, / оружныя побеждаху, Владычице.

Знамение страшно, и вещь преславну, / и чудное одоление днесь празднующе, лодие Твоя, Богородице, / похвальная яко достойной похвалы приносим, глаголюще: / радуйся, Обрадованная.

Честную икону Твою радостным сердцем и душею облобызаем, веселящися, / и, теплою верою прикасающеся, исцеление почерпаем.

* кустодии — стража

Конда́к, глас 4.

Подобен: Явился еси днесь:

Честнаго образа Твоего знамение / празднующе лю́дие Твой, Богородительнице, / и́мже дивную победу на сопротивныя граду Твоему́ даровала еси. / Те́мже Тебе́ ве́рою взыва́ем: / ра́дуйся, Де́во, христиа́н похвало́.

И́кос:

Разрешí тьму́ моих согрешéний, / во умé моём лежáщую, / и Твоим мя свéтом просвети́, Де́во, / я́ко да возмогу́ Тебе́ похвалу́ принести́, / Ю́же Оте́ц восхвали́, / и Дух Святы́й осени́, / Сын же и Сло́во Божие, всели́вся / и нетлénно от пречíстою Твоею́ боку́ прошéд, / с челове́ки поживé. / Те́мже мы, грéшнии и недосто́йнии раба́ Твой, / днесь соверша́юще свяще́нное торжество́ зна́мения, / б́вшаго честною́ ико́ною Твоею́, / е́юже пресла́вную победу́ на противныя / граду Твоему́ даровала еси, / и, от всех чудес испóлнившися, / вме́сто благово́нных аромáт, / ели́ко возмо́жно нам, земным, похва́льная Тебе́ прино́сим, глаго́люще: / ра́дуйся, Богородице, ра́досте Ангелов и челове́ков; / ра́дуйся, твёрдая наде́жда и покрóве граду Твоему́; / ра́дуйся, я́ко противныя си́лою Твоею́ низлага́ем; / ра́дуйся, умнаго Со́лнца Ма́ти, / ве́рныя просвещáющаго, неве́рныя же помрача́ющаго; / ра́дуйся, Де́во, христиа́н похвало́.

Песнь 7

Ирмо́с: *Неизречéнное чу́до! / в пещи́ Избáвивый преподо́бныя óтроки из пла́мене, / во грóбе мертв, бездыхáнен полага́ется / во спасéние нас, пою́щих: / Избáвителю́ Бóже, благословéн еси́.*

Воистинну сокрóвище че́стно граду Твоему́, ико́на Тво́я, Пречíстая, дарова́ся, / ю́же и са́ми зря́ще, чудеси́ удивля́емся и Сы́ну Твоему́ вопи́ем: / Избáвителю́ Бóже, благословéн еси́.

Якоже иногда́ Ниневíтяны / пока́яния ра́ди пощади́л еси́, Сло́ве Божий, про́поведию Ио́ны проро́ка, / та́кожде и зде́ показа́л еси́ образом Пречíстыя Твое́я Ма́тере, Христé, вопи́ющим: / Избáвителю́ Бóже, благословéн еси́.

Храм Тя Божий, Владычице, вѣдуще, / во святѣм храме Твоем руки наша возносим на молитву: / виждь озлобленіе наше и подаждь нам помощь.

Ин

Ирмос: Божия снизхождѣнія / огонь устыдѣся в Вавилоне иногда, / сего ради отроцы в пещи радованною ногою, / яко во цветнице ликующе, пояху: / благословен еси, Боже отец наших.

Виждь, Пречистая, озлобленіе раб Твоих и не отрини в конец, / Твое бо есмь достойные и Твоею надеждою крепимся, да вси вопиѣм Ти: / радуйся, обрадованная.

Светоносная благодать и исцелѣнія дарованіе / дадѣся граду Твоему образ Твой, Пречистая, / егѣже любезно облобызаяще, веселимся.

Песнь 8

Ирмос: Ужаснѣя бойся, Небо, / и да подвижатся основанія земли: / се бо в мертвецѣх вменяется в Бѣсных Живѣй / и во гроб мал страннопріѣмлется. / Егѣже, отроцы, благословите, / священницы, воспойте, / людіе, превозносите во вся вѣки.

Собезначальное Слово Отчее, Дѣво пречистая, нетлѣнно родила еси / и от сосцѣ питала еси. / Того моли, Богородительнице, от обстояннїя вражїя спасти поющїя Тя / и превозносящїя во вѣки.

Егѣже провидѣ на Престолѣ превзятѣм Исаяя, / Сего в ложеснах, Дѣво, вместила еси и нетлѣнно родила еси. / Егѣже моли спастѣся рабѣм Твоим, поющим: / дѣти, благословите, священнїи, пойте и превозносите Егѣ во вѣки.

Едина сущи благая, / преблагѣе Слово моли прилѣжно настоящаго гнѣва рабѣм Твоим избавитися, / несомнѣнною вѣрою Сыну Твоему поющим: / дѣти, благословите, священнїи, пойте и превозносите Егѣ во вѣки.

Ин

Ирмос: Седмерицею пещь / халдѣйскїй мучитель / богочестивым нейстовно разжжѣ, / сілою же лучшею спасены сия видево, / Творцѣ и Избавителю вопіяше: / отроцы, благословите, /

священницы, воспойте, / лю́дие, превозносите во вся ве́ки.

О всех наро́ди недоумевшеса, к Тебѣ прибега́ют, вопиюще: / не предаждь нас враго́м нашим, Влады́чице Богоро́дице, / но держа́вною Твоею руко́ю тѣя низложи, / да Тя непреста́нно поем и превозно́сим во ве́ки.

Яко неруши́мое забра́ло иму́ще раби́ Твой ико́ну Твою, Пречы́стая, / противя́щийся низлага́ем и Сы́ну Твоему́ вопием: / де́ти, благослови́те, священницы, воспойте, / лю́дие, превозносите Его́ во ве́ки.

Чу́дному иерарху яви́лася еси́, Пречы́стая, / он же со мно́гим наро́дом, чудеси́ удиви́лся, / а́бие с радостію ко образу Твоему́ прибега́ет,— подаждь по́мощь, Влады́чице,— глаго́лющим: / де́ти, благослови́те, священницы, воспойте, / лю́дие, превозносите Его́ во ве́ки.

Что́ Ти принести́, Пречы́стая, / от всея́ тва́ри сла́вимей, недоуме́емся, Влады́чице, / то́чию е́же Гаври́ил нас научи́: / ра́дуйся, Обрадованная.

Песнь 9

Ирмос: Странствія Влады́чнѣя / и безсмѣртныя трапѣзы / на го́рном мѣсте вы́сокими умы́, / ве́рнии, прииді́те, наслади́мся / возше́дша Сло́ва, / от Сло́ва научившеса, Его́же велича́ем.

Милосѣрдым о́ком свѣ́ше прѣзри на град и лю́ди Твоѣ, Пречы́стая, / ины́я бо по́мощи не има́мы, то́кмо Тебѣ, Всенепоро́чная, / да Тя вси́, Ма́терь Бо́жию, непреста́нно велича́ем.

Еди́на, ро́ждшая Сло́во воплоще́нное, Де́во всепѣтая, / приснотеку́щий исто́чник исцелѣ́ній излива́еши / ве́рою притека́ющим хра́му Твоему́, Пречы́стая.

Се, раби́ Твой, вопием Ти, Ма́ти Бо́жия: / обы́чныя мѣлости Твоѣ на град и лю́ди Твоѣ мѣлостивно показу́ющи, / противных обстоя́ній нас измени́, да Тя вси́ непреста́нно велича́ем.

Ин

Ирмос: Ужасѣся о сем Не́бо, / и земли́ удиви́шася концы́, / я́ко Бог яви́ся челове́ком плоти́ски / и чре́во Твоѣ бысть пространне́йшее Небѣс. / Тем Тя,

Богородицу, / Ангелов и человек чиновачалия величают.

Се время благоприятно и день спасения, / в немже знамение иконы Твоея, Пречистая, показася, / еже празднующе светло, духовне торжество совершаем.

Яко Божественною светлостью озаряему, / зрим днесь, Пречистая, икону Твою честную, / ейже верою поклоняющесе, Тя величаем.

Мысли очистивше, празднлюбнаго Новграда собори / со архиерейским ликом, восхвалите, / паче надежды помощь на сопротивныя даровавшую.

Девства Твоего знамения невредимо сохранив, Слово Божие, из Тебе прошед, / сохрани град Твой невредим, Дево всепетая, / да Тя непрестанно величаем.

Светилен.

Подобен: Посетил ны есть:

Возжелев Твоея доброты Иисус, Пречистая, / в Тя вселися и Тебе заступницу граду Твоему Слово Божие дарова, / егоже сохраний заступлением Твоим присно, / яко да Тя ублажаем, пренепорочная Отроковице.

На хвалитех стихиры, на 4, глас 6.

Самогласны:

Непокорством разума и гордостью разжэгшесе ненаказаннии / на стадо Твое, Пречистая, / еже искоренити град, в немже пречестный Твой образ водворяется, / но убо показала еси, / якоже иногда Сын Твой евреем, / достойно в пустыни телесы падшим.

Се храм пресветел и место священія, / идеже честная икона Матере Твоея, Слово, / приступите, человецы, и исцеление почерпите, / яко спасение Той ради нам даровася / и избавление от противных, потребити нас хотящих, / но тии, по пророку, потребишася.

Якоже иногда краткий Давид / противящагося гордаго Голиафа, / силою Сына Твоего препоясався, низложит, / такожде и людие Твой, Пречистая, / имуще образ Твой честный, / преславно одоление показаша.

Чудная побѣда и дѣвное одолѣние / честныя иконы Твоея, пречѣстая Мати Слова, / удивляет ум и ужасает помысл, / безоружнии бо оружных побеждаху / силою Твоею, Дѣво всепетая, / и пособием Божественнаго зрака Твоего / во спасение душ наших

Слава, и ныне.

Глас 8: Мнящеся непокоривии:

Писан на велицей вечерни на стиховне (зри страницу 406).

Славословие великое. И отпуст.

НА ЛИТУРГИИ

Прокимен, песнь Богородицы, глас 3: Величит душа Моя Господа, и возрадовася дух Мой о Бозе Спасе Моём. Стих: Яко призрѣ на смирение рабы Своея: Апостол ко Евреем, зачало 320. Аллилуия, глас 8: Слыши, Дщи, и виждь, / и приклони ухо Твое. Стих: Лицу Твоему / помолятся богати людстии. Евангелие от Луки, зачало 54. Причастен: Чашу спасения прииму и Имя Господне призову.

ЗРИ Аще храм Пресвятыя Богородицы Знамения, поется служба Знамения единого. Кроме же храма поется служба Знамения со Иаковом Персянином сице:

НА МАЛОЙ ВЕЧЕРНИ

На Господи, возвах: стихиры на 4, глас 1. Подобен: Небесных чинов: Слава, и ныне, глас тойже. На стиховне стихиры, глас 2. Подобен: Доме Евфрафов: с припевы их. Слава, и ныне, глас 1, и прочее обычное, и отпуст.

НА ВЕЛИЦЕЙ ВЕЧЕРНИ

Блажен муж: 1-й антифон. На Господи, возвах: стихиры на 8: Богородицы 4, глас 8, самогласны: Гордостию зависти: И мученика 4, глас 2. Подобен: Егда от Древа: Мира красная оставль: Слава, мученика, глас 5: Дивен был еси, Иакове: И ныне, Богородицы, глас 6: Веселитесь, людие: Вход. Прокимен дне. Чтения Богородицы 3. На литий стихиры, глас 6: Рбги грешных сотрбшася: Слава, и ныне, глас тойже: Се день избавления нашего настѣ: На стиховне стихиры, глас 1, самогласны: Якоже древле во Иерусалиме: с припевы их. Стих 1: Воскресни, Господи, в покой Твой: Стих 2: Клятсѣ Господь Давиду истинною: Слава, мученика, глас 8: Верно сошедшесѣ днесь: И ныне, Богородицы, глас тойже: Мнящесѣ непокоривии: Тропарь мученика, глас 4. Слава, и ныне, глас тойже: Яко необоримую стѣну:

НА УТРЕНИ

На Бог Господь: тропарь Богородицы дважды. Слава, мученика. И ныне, Богородицы. По 1-й кафизме, и по 2-й, и по полиелее седальны Богородицы и чтение. Степенна, 1-й антифон, 4-го гласа. Прокимен, глас 4: Слыши, Дщи, и виждь, / и приклони ухо Твое. Стих: Отрину сердце мое: Евангелие от Луки, зачало 4: Воставши Мариам: По 50-м псалме стихира, глас 6: Веселитесь, людие: писана на Господи, возвах: велицей вечерни, славник. Канона два Богородицы, на 8: один, глас 6, другой, глас 8. И мученика канон на 6, глас 2. Катавасия: Христос раждается: По 3-й песни кондак мученика и икос и седален Богородицы, глас 8. Слава, святого седален, глас тойже. И ныне, Богородицы. По 6-й песни кондак Богородицы, глас 4. Подобен: Явился еси днесь: Честного образа Твоего знамение: и икос, и чтен пролог. По 9-й песни светилен Богородицы. Слава, мученика. И ныне, Богородицы. На хвалитех стихиры на 4, глас 6, самогласны: Непокорством разума: Слава, мученика, глас 2: Терпев в страдании, мучениче: И ныне, Богородицы, глас 8: Мнящися непокоривии: Славословие великое, по Трисвятом тропарь святого. Слава, и ныне, Богородицы. Ектений, и отпуст, и час 1-й. На 1-м часе тропарь Богородицы. Слава, святого. И ныне, Богородичен часов. По Трисвятом на всех часех кондак Богородицы непременно. И совершенный отпуст.

НА ЛИТУРГИИ

Блаженны Богородицы, 1-го канона песнь 3-я, на 4; 2-го канона песнь 6-я, на 4. Прокимен, песнь Богородицы, глас 3: Величит душа Моя Господа: Стих: Яко призре на смирение рабы Своея: и мученика прокимен, глас 4: Святым, иже суть на земли Его: Богородицы Апостол к Евреем, зачало 320: Мученика Апостол к Ефесеем, зачало 233. Аллилуия, глас 8: Слыши, Дщи, и виждь: Стих: Лицу Твоему / помолются богатыи людстии. И мученика стих: Многи скорби праведным: Богородицы, Евангелие от Луки, зачало 54: Вниде Иисус в весь некую: Мученика, Евангелие от Иоанна, зачало 50: Аз есмь лоза истинная: Причастен Богородицы: Чашу спасения: Мученика: В память вечную:

Потребно есть ведати и се, яко аще случится в неделю праздник Пресвятыя Богородицы, Честного Ея Знамения, и святого великомученика Иакова Персского:

ВЕЧЕР, НА МАЛОЙ ВЕЧЕРНИ

На Господи, возвах: стихиры воскресны гласа, на 4. Слава, и ныне, Знамения. На стиховне стихира воскресна едина и Знамения стиховна со стихий ей. Слава, и ныне, Знамения. Также, Нине отпускаеши: и по Трисвятом тропарь воскресен. Слава, и ныне, Знамения. Ектений малая: Помилуй нас, Боже: и отпуст.

НА ВЕЛИЦЕЙ ВЕЧЕРНИ

По обы́чном стихослoвii, на Гoспoди, **воззвaх**: стихiры воскресны 3, и востoчен еди́н, Анaтoлийев, и Знaмения 3, и мученика Иaкoвa 3. Слaвa, Знaмения. И ны́не, Богорoдичен пeрвый глaсa. Чтeния Знaмения. На литий стихiры Знaмения. Слaвa, мученика. И ны́не, Знaмения. На стихoвнe стихiры воскресны. Слaвa, Иaкoвa. И ны́не, Знaмения. На благoслoвeнии хлeбoв трoпaрь Знaмения тpижды. Аще несть бдeния, глагoлем трoпaрь воскресен. Слaвa, Иaкoвa. И ны́не, Знaмения.

НА УТРЕНИ

На Бог Гoспoдь: трoпaрь воскресен двaжды. Слaвa, Иaкoвa. И ны́не, Знaмения. По кафiзмах седaльны воскресны с Богорoдичны их. Тaже полиелeй и величaние пoем.

Псалом избранный: Помяни́, Гoспoди, Дaвiдa и всю крoтость eгo: И трoпaри: Ангельский собoр: И седaльны Знaмения кyпно вся тpи. Степeнна и прoкiмен глaсa. Евaнгелие воскресно. Тaже, Воскресeние Христoво: псалoм 50. Стихiра воскресна. Канoн воскресен со ирмосoм на 4. Знaмения еди́н канoн на 6. Мученику Иaкoвy на 4. Катавaсия: Христoс рaждaется: По 3-й песни кондaк Знaмения, и мученика, и седaлен мученика. Слaвa, и ны́не, Знaмения. По 6-й пeсни кондaк и iкос воскресен. На 9-й пeсни пoем Честнeйшую: Светилен воскресен. Слaвa мученика. И ны́не, Знaмения. На хвалитeх стихiры воскресны 4 и Знaмения со Слaвным 4, самоглaсны, глaс 6, со стихi. Стихi же глагoлем: Воскресни́, Гoспoди, в покoй Твoй: Клятcя Гoспoдь Дaвiду iстиною и не отвeржeтся eя. Слaвa, стихiра Евaнгельская. И ны́не, Прeблагословeнна eси: Слaвослoвие великoe и по Тpисвятoм трoпaрь воскресен тoчию. Ектений и oтпyст. Тaже час 1-й. На 1-м часe трoпaрь воскресен. Слaвa, Знaмения. И ны́не, Богорoдичен часoв. По Oтчe наш: кондaк Знaмения, и прoчee послeдoвaние пeрвaгo часa, и oтпyст. На 3-м часe трoпaрь воскресен. Слaвa, мученика. И ны́не, Богорoдичен часoв. Тaкoждe и на 6-м часe, и на 9-м глагoлем трoпaрь Знaмения и мученику, прeмeняющe; трoпaрь же воскресен глагoлетcя нeпрeмeнно. По Oтчe наш: кондaки воскресен и Знaмения глагoлем, прeмeняющe.

НА ЛИТУРГИИ

Блaжeнны глaсa на 6 и Богорoдицы, пeснь 3-я, на 4. По вxoдe трoпaрь воскресен, и Знaмения, и мученика. Кондaк воскресен. Слaвa, кондaк мученика. И ны́не, Знaмения. Прoкiмен, Апoстoл, аллилyия, Евaнгелие и причaстен прeждe воскресен, и пoтoм Богорoдицы.



Новгородская икона Божией Матери «Знамение». История свидетельствует о неисчислимых милостях Пресвятой Богородицы к русскому православному народу, явленных через Ее святые иконы.

Одна из наиболее почитаемых в нашем народе икон — Новгородская икона «Знамение». Иконы Божией Матери такого типа появились на Руси очень рано, а именоваться так стали после чудесного Знамения от Новгородской иконы.

В 1170 году, во времена тяжких междоусобиц, на Новгородскую землю двинулись объединенные полки русских удельных князей, чтобы покорить вольный Новгород. Все новгородцы дено и ноцно молились об избавлении города. Святой архиепископ Иоанн, молившийся пред образом Господа нашего Иисуса Христа, услышал глас: «Иди в церковь Святого Спаса на Ильину улицу, и возьми икону Святыя Богородицы, и постави ю на острог противу ратных».

Совершив молебен в церкви Святого Спаса, архиепископ Иоанн в присутствии молящегося народа вознес икону на городскую стену. Когда полки, окружившие Новгород, начали приступ и осыпали защитников

города градом стрел, то одна из стрел попала в святой лик иконы. И обратилась икона лицом к городу, и святые слезы потекли из глаз ее, оросив фелюнь архипастыря. «О великое и преславное чудо! Не суть то слезы, но милостивое Знамение» — восклицает летописец. Этим чудотворным образом осажденным был дан знак (знамение), что Царица Небесная молится пред Сыном Своим об избавлении города.

В тот же миг непонятный страх овладел нападающими, и новгородцы преследовали обратившегося в бегство неприятеля.

С того времени за иконой закрепилось название «Знамение» и впоследствии было установлено празднование чудотворной иконе на 27 ноября.

В 1352 году по молитве пред этой иконой получали исцеление пораженные чумой.

В благодарность за многочисленные благодеяния, творимые Богородицей, новгородцы построили особый храм, и в 1356 году икона из храма Спаса Преображения была с торжеством перенесена в воздвигнутый в 1354 году новый храм «Знамения Пресвятой Богородицы», впоследствии ставший собором Знаменского монастыря.

В середине XV века в Новгороде была написана икона «Битва новгородцев с суздальцами», которая послужила образцом для других икон на эту тему. Знатоки русской иконописи сравнивают эту икону с «Похвалой Знамению», созданной иеромонахом Пахомием Сербом. В честь иконы Богоматери «Знамение» написаны два канона. Первый написан около 1440 года сербом иеромонахом Пахомием Логофетом, приехавшим на Русь с Афона.

Слава святой иконы «Знамение» велика. На протяжении последующих столетий чудесами были прославлены некоторые списки. К их числу относятся иконы Мирожская, Абаляцкая, Царскосельская, Курская-Коренная и многие другие.

Взирая на святые иконы Пресвятой Девы, верующие люди возносятся духом в молитве, испрашивая милостей и щедрот, ходатайства о спасении и ниспослании мира стране нашей и всему миру.



**Святаго великомученика
Иакова Персянина.
И преподобнаго отца нашего
Палладия
На Господи, воззвах:
стихиры мученика Иакова, на 6,
глас 2.**

Подобен: Егда от Древа:

Ира красная оставив, / рода светлость,
богатство и красоту, / все же чувство
отверг, / и, телом раздробляемь, / стра-
стей подражанием, радуясь, последовал
еси Христу, Иакове, / яко убо общник страданьями
славы был еси воистинну / и Царствия ныне
сопричастник.

Уды пожинаемь плоти, / и нестерпимыя болезни
и раны терпя, / мучениче Христов, достославне
Иакове, / и мучителей суровство поправ
мужественно, / победы многоценный венец приял
еси; / имже ныне украшаемь, блаженне, / Божест-
венному Владыки твоего Престолу / с постра-
давшими с тобою предстоиши.

Имея дерзновение ко Христу, / о всех, верою
совершающих честный твой праздник, / мучениче
приснопамятне, тепле предстоиши, / от бед избав-
ляя и страстей свободяя, / всякаго обстояния
лютых изымая, / подавая душам спасение / Божест-
венными твоими молитвами, / яко да светлыя
твоя подвиги прославим.

Слава, глас 5:

Удивил еси, о Иакове, / в мучах всех
долготерпев, / перстом бо и рукам, и мшцам
отсеченым твоим бывшим, / подобне и ногам и
лыстом твоим / даже до бедру, претерпел еси /
прочее, молящуся тебе, / и честную главу твою
отсекоша. / Мучениче многострадальне, / о нас не
престай Христу моляся / помилуватися душам
нашим.

И ныне, Богородичен или Крестобогородичен.

Подобен: Ра́дуйся:

А́гнца Своего́ А́гница иногда́ зрящи, / к заколе́-
нию тща́щаяся, / усердно послéдоваше, Сия́ вопи-
ющи Е́му: / ка́мо и́дещи, ча́до Моё́ сладча́йшее,
Христé? / чесо́ ра́ди ско́рое течéние сиé, / Долго-
терпели́ве, течéши нелéностно? / Иисусе́ возже-
лénнейший, безгрéшне, / многомилостиве́ Гóспо-
ди, / даждь Ми́ слово, Рабé Твоёй, / Сы́не Мой
вселюбéзнейший, / не прэ́зри, Щéдре, молча́, Тя,
стра́нно ро́ждшую, / Бóже всещéдре, да́руй ми́ру
вэ́лию милость.

На стихóвне Окто́иха. Сла́ва, мученика, глас 8. Геóргия Сикéлла:

Вéрно соше́дшеся днесь, любозрíteле, / вíдите
борьбу́ стра́нную и разменéнную / Иа́кова, суща́го
от Персиды, / нам облистáвшаго, я́ко звездú,
волхвóм я́вльшуюся / и ко и́стинному познáнию
наста́вльшую. / Той бо, до́блественный, / внего́да
па́дати, ра́тователи́ отража́ше, / и внего́да соста́вом
удóв рэ́заным бы́ти, / муча́щия нéмощны творя́ше, /
вь́шним Прóмыслом укрепля́емь, вопия́: / а́ще и
у́ды мо́я чу́вственныя сущия́ сечéте, / но и́мам
Христá разúмно ми́ вся бывáющая. / Тэмже провída
бúдущую жизнь, / предлежа́щия ра́ди всех
смёрти, / ко óной тща́шеся прейтí, / в нейже́ и
водворя́яся, прóсит нам от венцедáтеля Бóга /
очищéние, просвещéние и вэ́лию милость, / совер-
ша́ющим пáмять егó.

И ныне, Богородичен или Крестобогородичен.

Подобен: О, преславнаго чудесе!

Чтó зрímое видéние, / е́же Мойма́ очýма вíдит-
ся, о Влады́ко? / Содержáй всю тварь, на Дре́во
воздв́ижен быв, / и умира́ещи, всем да́й жизнь, /
Богороди́ца, пла́чущися, глаго́лаше, / егда́ узрэ́ на
Крестé возно́сима / из Нея́ неизречéнно
возсия́вшаго / Бóга и Человéка.

Тропа́рь мученика Иа́кова, глас 4:

Мучéнии странноужáсными и до́блестию
терпéния / всех преудивíл есý, много-
страда́льне, / над ко́имждо́ соста́вом удесý
рэ́зания, / благодарны́ мольбы́ предíвне изрékл

есі Господу./ Тем, во страданіи твоём венец
приём,/ к Престолу возшел есі Небеснаго Царя
Христа Бѳга, Іакове,/ Того моли спасти души
наша.

**Слава, и ныне,
Богородичен или Крестобогородичен.**



Служба святаго Палладія поётся на повечерии. Канѳн, егѳже краегранесіе: Твое почитаю, всеблаженне ѳтче, житіе. Іѳсиф. Глас 4.

Тропарь, глас 1.

Подобен: Камени запечатану:

Монашествовав Богоугодно, Богоносне отче наш, / молитвою и постом Бѳга взыскал есі / и был есі приятелище чисто Дѳха, / блистая верным добродетельныя зарі, / иміже просвещаети вся чтущія тя. / Слава прославльшему тя Христу, / слава Укрепльшему тя, / слава Действующему тобою всем исцеление.

Песнь 1

Ирмос: Отверзу уста моя, / и наполнятся Дѳха, / и слово отрыгну Царице Матери, / и явлюся, светло торжествуя, / и воспою, радуясь, Тоя чудеса.

Божественными светлостми озаряемь, преподобне, / ѳблак разжени помышления моего, / яко да узрю твое житие светносное / и исправление жительства твоего.

Утреневав к Бѳгу, правды Солнцу, от младенства, всебогате, / тьмы избегл есі телесных страстей воздержанием / и даром чудес обогатился есі, преподобне.

Умную чистоту безстрастием стяжав, / Дѳха был есі вместилище, досточудне Палладіе всеблаженне, / отцев украшение, свѳильниче всемирный.

Богородичен: Ты едина, Богоневесто, / в вышних Седящаго руками носила есі, плоть бывшаго, / Ты бо есі приятелище достойно всех веков Вседержителя.

Песнь 3

Ирмос: Твоя песнословцы, Богородице, / живый и независтный источник, / лик себе совокупльшия, духовно утверди, / в Божественной Твоей славе / венцев славы сподоби.

Всенощное, отче, моление, бодренным принося помыслом Богу Вседержителю, / страсти плотския успил еси, / темже предстатель неусыпный всех нас был еси.

Умертвив уды воздержанием, / оживил еси, отче, душу Божественными возвращением, / добродетельми вжиляемь вседетельными силами, отцев отче Палладие.

Вкусив добраго Божия глагола и разума Божественнаго причащся, / молчаливо совершив твоё житие, / прилепляясь невозвратно, преподобне, светодателю Богу нашему.

Богородичен: Милостивыми Твоими, Отроковице, / каплями углие угаси страстей, Марие неискусобрачная, / и угашённый возжзи светильник сердца моего, / златый Светильниче, Всенепорочная.

Песнь 4

Ирмос: Неизследный Божий совет, / еже от Девы воплощения, / Тебе, Вышняго, / пророк Аввакум, усмотряя, зовяше: / слава силе Твоей, Господи.

Силою же и благодатию вседетельною всех Царя, Бога нашего, / лукавствия безплотных враг отнюд избегл еси, / отче Палладие Богодухновенне.

Да возрадуемся духовне, память совершающе празднственную / знаменосца и честнаго отца нашего, / священными того мольбами неудобных избавляеми.

Целение приснотекущее твоё рака точит, о Палладие славне! / Приходящих очищает скверны плотския вкупе и душевныя, / отче отцев Богоприятне.

Избави ны, преподобне, твоими молитвами всех соблазн змийных сетей / и исцели наша лютыя недуги ко Владыце мольбами твоими.

Богорóдичен: Явися Боговместимая воистинну Цёрковь всех Царя, Пренепорóчная Богородительнице./ Тёмже благочестно Гавриилово, Еже радуйся, вёрнии, несумнённо приносим.

Песнь 5

Ирмос: Ужасóшася всяческая / о Божественней славе Твоей:/ Ты бо, неискусобращная Дёво, / имела еси во утробе над всеми Бóга / и родила еси безлётнаго Сына, / всем воспевающим Тя / мир подающая.

Страсти пренебрегл еси плотскія, Богоблаженне, премногим воздержанием, / тем тебе благодать Божественная даровася / страсти исцеляти вёрных, óтче, приходящих ти, о Палладие преславне!

Свято твоё житиё, всеблаженне, совершив, / тёмже и ко святым причтался еси, от века Бóгу работавшим, / всех освящаеши дúши, хвåлящих твою честная чудодеяния.

Блажен был еси истинно, достославне, / ты бо в путь оправданий всевидца Бóга ходил еси, / незлобив и крóток быв и восхождении дóбрыми украшаеми.

Богорóдичен: Далече человечество Бóга, Дёво, бысть, / Тебе же, заченшей Спаса несказанно, Богорадованная, / паки в рай входит, véрою ублажая Тя, Всепетая.

Песнь 6

Ирмос: Божественное сие и всечестное / совершающе прázднество, / Богомудрии, Богомáтере, / приидите, рука́ми восплещим, / от Нея рóждшагося Бóга сла́вим.

Чисто житиё восприёмь воздержания, я́ко безплóтен, / исправил еси стояние всенóщное, / молитву, мóдре, неоску́дну, véру истинную, Божественное смирение.

Дóбрых видения украшаеми, / я́ко А́нгел виден был еси, в плóти жительствуя, / и, прешед, вселился еси со А́нгелы, óтче Богоблаженне Палладие.

А́нгелы имёя спомóщники, / дёмонская отразил еси мечтания * и вся лукавствия, / и без преткнове-

* мечтания — призраки

ния прошёл еси, о Богоблаженне, стезю, к жизни вводящую.

Богородичен: *Глаголы, Отроковице всенепорочная, / Божественнаго Гавриила яко услышала еси, / Слово зачала еси в безсеменном чреве Твоём / и паче слова Сего родила еси.*

Господи помилуй, трижды.

Слава, и ныне, седален, глас 1, тойже, что и тропарь (зри страницу 423).

Песнь 7

Ирмос: *Не послужиша твари Богомудрии / паче Создавшего, / но огненное прещение мужески поправше, / радовахуся поюще: / препетый отцев Господь и Бог, благословен еси.*

Преславными указании, всебогате, чудес / всех души, притекающих к тебе, просвещаяеши благодатию Вседержителевою, / просветившаго твою душу и показавшаго ю, солнца светлейшую.

Возлюбив совершеннейше Господа ума правостию / и от Него, всемудре, совершенно возлюбися, / благодать приял еси лукавыя отгоняти дүхи и исцеляти вся недүги.

Слез твоих течения приим, всевидец Бог / утешения Ангельскаго причастна ты содела, / еже получиша Богу служившии правостию сердца.

Богородичен: *Милостиваго рождши Господа, едина Богоблагодатная, / десницею Его, Чистая, помилovati мой ум молися, / всегда люте совращаемый житейскими печальми.*

Песнь 8

Ирмос: *Отроки благочестивыя в пещи / Рождество Богородичо спасло есть, / тогда убо образуемое, / ныне же действуемое, / вселенную всю воздвизает пети Тебе: / Господа пойте дела / и перевозите Его во вся веки.*

Силою Божественною ополчения демонская пагубная потребил еси, / благодать же приял еси уставити немощи и отгонити дүхи нечистыя, вопия: / Господа пойте дела и перевозите Его во вся веки.

Пожив, всеблаженне, Богоугодно, / праведным яве должным сном ныне уснул еси / и к неконча-

емому привелся еси наслаждению, преподобне, вопия: / Господа пойте дела и превозносите Его во вся веки.

Цельбы источает преславно рака твоя, отче, / прирещущим уставляющи недуги, / страсти же изсушающи, / ейже поклоняющися, поем житие твоё, болезни и Божественныя подвиги, / Палладие блаженне, светильниче монашествующих.

Богородичен: Вод мя исполни, Дево, Божественных, / яже источник рождающая, / избави мя зноя греховнаго и к жизни путеводствуй, / двере Божественныя жизни, вопиющая: / Господа пойте дела и превозносите Его во веки.

Песнь 9

Ирмос: Всяк земнородный / да възиграется, Духом просвещаемь, / да торжествует же Безплотных умов естество, / почитающее священное торжество Богоматере, / и да вопиет: / радуйся, всеблаженная Богородице, / чистая Приснодево.

Возмог Божию силою и благодатию, отче, победити змия, хвалящаяся безумием, / и пагубную главу его сокрушити, и поправ ногами твоими. / Темже, сошедшеся, умильною душею тебе убожаем.

Явился еси небо высотой жительства Твоего, / чудесы удобряемь, всебогате, яко Божественными звездами, / и просвещаяши души благочестно всегда приходящих тебе / и чтущих верою подвиги твои, Богоносне, / светило светлейшее.

Уставил еси страстей течения, преподобне, тучами слез твоих, / струи притекающим чудес точиши, Богоблаженне. / Отрешаяши зной страстей всегда, Палладие славне, / Церкви честное удобрение.

Процвел еси яве, яко шипок благовонный, во Церкви Христове / и облагоухал еси чудесными вонями мира концы. / Темже Божественную твою память торжествуем, / в нейже всем испроси оставление, Богоносне, многих согрешений.

Богородичен: Свет, иже из Света, возсия из чрева Твоего, Мати Приснодево, / и прелести тьму отгна и земныя концы вся просвети. / Темже

вѣроу, радуйся, зовѣм Тебѣ, Богородице, преподобных похвалѣ.

Стихиры, глас 1.

Подобен: Всехвальнии мученицы:

Припѣв: Преподобне ѡтче Палладіе, моли Бѣга о нас.

Ум твой, просвѣщаемъ свѣтом, / всеблаженне Палладіе, / трисолнечнаго Божества храм был еси чистый, / Божественныя Святаго Духа зарі разумно приѣмля. / Тѣмже молися / даровати душам нашим мир и велию милость.

Ангелы споспѣшники имѣя, мудре, / укрепляющія тя, / демонская мечтания и лукавая деяния отразил еси, ѡтче, / и путь прошѣл еси, / вводящій к Божественному покою. / Тѣмже молися / даровати душам нашим мир и велию милость.

Слава:

Душевною чистотою, мудре, / Богоносне славне, / чистому уподобився Бѣгу и Зиждителю твоему, / жертва жива Тому принеслся еси, / яко хранитель Того повелѣний. / Тѣмже молися / даровати душам нашим мир и велию милость.

И ныне, Богородичен:

Пречистый храм Божий, / Небес ширший и Херувим святѣйший, / Богоблагодатная, всевятая Отроковице, / ум мой облагодати и просвети сердечныя ѡчи, / подающи ми благоприятным Твоим ходатайством / прегрѣшений всех отпуценіе.

Крестобогородичен. Подобен тойже:

Дѣва нескверная древле, / на Древе зрящи Бѣга, / Егѣже из безсеменна чрева роди, / не терпящи утробнаго уязвленія, терзающися, глаголаше: / манием Содержай всю тварь, / како, яко осужденник, на Крестѣ распялся еси, / хотяи спасти все человечество?



НА УТРЕНИ

Оба канона Октоиха без мученичнов и святого на 6, ебоже краегранесие: Персина Иакова песньми мученика пою. Творение Иосифово.

Глас 2.

Песнь 1

Ирмос: *Грядите, людие, / поим песнь Христу Богу, / раздельшему море и наставлявшему люди, / яже изведе из работы египетския, / яко прославися.*

Христову Престолу ныне предстою, венцосец, славне мучениче Иакове, / светносную мне зарю и благодать с Небес даждь молитвами твоими.

Якоже утро нам возсиял еси многосветлое, от востока исходя, / и просветил еси Христову Церковь / светлостью страданий, мучениче Иакове.

Юношеское сопротивление показав, / яко победитель сподобился еси почете, / и совершенного натрижненья, и славы вечныя, мучениче Иакове.

Богородичен: *Пророческия Тя трубы провозвестиша, / еже о Тебе таинство проповедающе, Богородице Дево, / издалеча зряще Твоя чудеса.*

Песнь 3

Ирмос: *Утверди нас в Тебе, Господи, / Древом умерщвей грех, / и страх Твой всади / в сердца нас, поющих Тя.*

Был еси, яко избранна Христова лоза, / серпом мучений очищаема и мног плодносящая, / в точилех Спасовых приносимый.

Текущих тленное и удоборазрешное презрел еси смисленно, венцосче, / яко остроумный же предызбрал еси приснопребывающих незыбленное.

Венцы тебе светлы, раздробляемое тело, / суровством мучителей исходатайствова, Иакове, / и пици райския наслаждение.

Богорóдичен: Помы́ловано бысть я́ве Рожде-
ствомъ Твоимъ Божественнымъ, Дѣво, челове́чество,/
соединившееся по ипостáси Влады́це всехъ, Бого-
невѣсто.

Седáлен, глас 8.

Подóбен: Премудрости:

Из Персиды звезду́ новоявлѣнную / Христосъ
возсия́ земнымъ Божественнаго Иа́кова и присно-
памятнаго мученика, / тогó ради прелести мракъ
отгна́, и вѣрнымъ благодать Духа возсия́. / Тѣмже
память его́ совершающе, вѣрно прázднуимъ и
возопиймъ, глаголюще: / страсотѣрпче много-
страда́льне, / моли́ Христа́ Бóга греховъ остав-
лѣние даровати / прázднующимъ любовью́ святу́ю
память твою́.

**Сла́ва, и ны́не,
Богорóдичен:**

В тину́ впадъ греховъ, и несть мнѣ посто́янна, /
лѣте потопи́ мя буре́я прегрѣшений, / но я́ко
ро́ждши Слово, еди́наго Человеколю́бца, на мя,
раба́ Твоегó, при́зри / и изба́ви мя всякаго греха́, и
страстей душетлѣнныхъ, и всякаго озлоблѣния
лукаваго убийцы, / Богорóдице неискусомужная,
моли́ Христа́ Бóга греховъ оставлѣние да́ти ми, /
Тебѣ бо наде́жду има́м, рабъ Тво́й.

Крестобогорóдичен:

Дѣва и Ма́ти Изба́вителя, Кресту́ предстоящи, /
болѣзненно со слезáми рыдающе, ма́терски
вопья́ше: / что́ странное сие́, и пресла́вное, Сы́не? /
источая́й всемъ челове́комъ безстра́стие, / посреде́
осужде́ною на Крестѣ́ распя́лся еси́, / в рѣбра
пробода́емъ и жѣлчию напая́емъ от рукъ, / я́же
создалъ еси́? / Но воста́ни и да́руй прегрѣшений
оставлѣние / верою́ пою́щимъ Божественная́ Твоя́
страда́ния.

Песнь 4

Ирмосъ: Услы́шахъ, Го́споди, / слухъ Твоегó
смотре́ния / и просла́вихъ Тя, / Еди́не Человеко-
лю́бче.

Вжиля́емъ, сла́вне, от Бóга да́ннымъ тебѣ́
всеору́жиемъ, / огнеслужите́лей лествю́ всю попали́л
еси́.

Очищение нам испроси, честную твою память совершающим, / дерзновение имея, мучениче Иакове.

Текущая крове токи от твоих удес, треблаженне, / прелести пламень весь погасиша.

Богородичен: Управи моя помышления, Пречистая, / к благотихому пристанищу Твоего безстрастия и чистоты.

Песнь 5

Ирмос: Света Подателю / и веков Творче, Господи, / во свете Твоих повелений настави нас: / разве бо Тебе, иного бога не знаем.

Якоже некая земля благая и доброплодная, истинно был еси, / ралом горьких мук раздробляемь, мудре, / многокласное Зиждителю принося земледелание.

Стрелы, всеизящне, разжженные вражия угасил еси, / кровию отсеченых твоих удес * телесных, треблаженне, / надежду бо явился еси и верою ограждаемь.

Всеплодно, яко овча, Христу, премудре, твоим удесем, режемым люте, / победную песнь и достойную хвалу на кийждо приносил еси.

Даеши очищение душевных моих скверн, славне мучениче Христов, твоя болезни, / избавление подавая кровей твоя токи, всехвальне.

Богородичен: Истинствующий честному и страшному рождеству Твоему глас / сердцем и языком приносяще ясно, / Ты ныне Богородицу чистую именуем.

Песнь 6

Ирмос: В бездне греховней валяясь, / неизследную милосердия Твоего призываю бездну: / от тли, Боже, мя возведи.

Поучение смысленно прием ближних твоих, / радуясь, устремился еси к подвигом, славне, / и венцы победы приял еси.

Якоже в чуждем телеси стражда, терпел еси, мучениче Иакове, / и, на уды раздробляемь, Владыце песнь возсылал еси.

* удес — членов

Спасения в ризу явственна / и веселия одежду,
кровию твою обагрившуюся, премудре, / победо-
носец, яко мученик, облелся еси.

Мучения преплытие совершив, / темже священ-
нопобедный венец приял еси / и ныне с мучениче-
скими чинми сликовствуеши достойно, / Иакове
славне.

Богородичен: Неискусомужно, Дево, родила
еси и вечноуеши Дева, / являючи истиннаго Боже-
ства, Сына и Бога Твоего, знамения.

Кондак, глас 2

Подобен: Вышних ища:

Уверився доброю сопружницею, терпеливо-
душне, / и страшнаго Судища убоився, / Перс-
ское повеление и страх, Иакове, поплевал еси /
и явился еси мученик честный, / телом, яко
розга, режемь.

Икос:

От души возстенем вси, слезы проливающе, /
зряще мученика, горько раздробляема, / подобно
псом рыкающим, / сошедшеся, уды растерзают
чуждаго и добляго в свидетелех мученика, / что
убо есть да приреку? / аще хотите, мало пождите, /
и реку вся со тщанием: / како во един день бысть
смерть / телом Иаков, яко розга, режемь.

Песнь 7

Ирмос: Образу златому, на поле Дейре
служиму, / трие Твой отроцы небрегоша безбожна-
го веления, / посреде же огня ввержени, ороша-
еми, пояху: / благословен еси, Боже отец наших.

Крепостию умною, терпением же душевным, /
раздробляему, мучениче, твоему телу, / непрело-
жен и непреклонен был еси, / верою укрепляемь
Божественною и зовый, Иакове: / благословен еси,
Господи Боже отец наших.

Исправив твои помышления к смотрению вы-
шняго звания / и муками обливаемь, не потопился
еси, / но, терпя удобно язвы беззаконных и разсе-
каемь, пел еси: / благословен еси, Господи Боже
отец наших.

Блажен еси, и добро тебе есть ныне,
блаженнейше, / победившу ти неукротимое лука-

ваго свирѣпство / и мучителеву ярость, усѣрдно зовущу ти: / благословѣн еси, Господи Бѣже отецъ нашихъ.

Богородичен: Незаходимаго Свѣта и свещи Божественнаго сиянія / явилася еси свѣчникъ златосияющъ / и миръ весь озаряющъ зарю честнаго дѣвства и поюща спасаети: / Благословенная, Яже Бѣга плотию рождающая.

Песнь 8

Ирмос: В пещь огненную ко отрокомъ еврейскимъ снишедшаго / и пламень в рѣсу преложшаго Бѣга, / пойте дела яко Господа / и превозносите во вся вѣки.

Силою Божиею укрепився, / лукавыхъ соборища и ополченія разорил еси, блаженне, / и, державно отгнавъ, победы венецъ приял еси, зовый: / благословите, вся дела Господня, Господа, / пойте и превозносите Его во вѣки.

Отъятия удес, яко приложенія благихъ, мучениче, зрел еси, / не нынешнихъ видя болѣзни, / но будущее смотря мучениковъ красное венчаніе, / от праведнаго Судий уготованное.

Терпение преестественное стяжавъ твердо, / якоже столпъ, пребыл еси, блаженне, / вражия стремленія безстрашно и стрѣлы приемля, зовый: / благословите Христа во вѣки.

Устремленіемъ многимъ тебѣ приложився началозлобный врагъ и душетлennyй / и мучители подвигнувъ низложити души твоея крепость, и не возможно, славне, / во всеоружіе бо Христова одеял еси себѣ.

Богородичен: Безсмертія прозанный вѣмы Тя источникъ, Богородице, / яко рождающую Слово безсмертнаго Отца, / вся смерти избавльшаго превозносящія Его во вѣки.

Песнь 9

Ирмос: От Бѣга Бѣга Слова, / неизреченною мудростию пришедшаго обновити Адама, / ядью в тленіе падшаго люте, / от святыя Дѣвы неизреченно воплотившагося нас ради, / вѣрнии, единомудренно пѣснями величаемъ.

С мученики яко мученик сликовствуя, /
 треблаженне, / и Престо́лу предсто́я Христо́ву, /
 соверша́ющая па́мять твою́ и тво́й светонóсный с
 весéлием днесъ чту́щая пра́здник / лю́тых бед
 тво́ими моли́твами изба́ви.

Иде́же мучеников собо́ри, / иде́же всех святы́х
 свято́е упоко́ися мно́жество, / иде́же пра́ведных
 ду́си, иде́же Це́рковь перворожде́нных, / ны́не на
 Небесе́х всели́лся еси́ вои́стинну́ яко мученик, о
 Иа́кове!

Свещенóсец предста́л еси́ Спа́су всех, / за
 Него́же те́ла твоего́ удес отсече́ние претерпе́л еси́ /
 и огня́, и ран искуше́ния неради́л еси́ крѣпко. /
 Те́мже ты вси́ ве́рою и любóвию ублажа́ем, Иа́кове.

Испещре́нную багряни́цею, кровью́ тво́ими
 очервлене́вшеюся, ны́не оде́ян, / со Христо́м ца́р-
 ствуеши, Иа́кове, / страстьми́ бо безстра́стия об-
 ре́л еси́ исто́чник, / его́же наслажда́тися вѣчно,
 всеблаже́нне, сподо́бился еси́.

Богоро́дичен: Я́ко Бо́га заче́ншую / и Бо́жию
 Ма́терь бы́вшую и́стинно чи́стую, Тя, Богоро́дицу,
 сла́вим, / веще́й естество́у, зва́ние прили́чествующе
 я́сно, / и подо́бно Божѣ́ственный Тебе́ глас прино-
 ся́ще.

Свети́лен.

Подóбен: Ду́хом во святы́лици:

Я́ко лозу́, обре́заему мно́гими му́ками, просла́ви
 Господь, / яко виногра́д честны́й, вино́ источа́ющ /
 от исто́чник кровей́ тво́их, Иа́кове страсотер́пче
 и покрови́телю, / любóвию всесвяще́нную твою́
 па́мять досто́йно творя́щих.

Богоро́дичен: Нестъ отню́д во мне спасе́ния,
 Де́во, / яко зле впадо́х во глубину́ грехо́вную / и
 ожида́ю преще́ния, / и стра́шнаго муче́ния, и
 ко́злицъ ча́сти, / уще́дри мя пре́жде Суда́, яко су́щи
 те́плое заступле́ние, Богоро́дице.

**На стихо́вне Окто́иха. Сла́ва, свята́го,
 глас 2. Студи́тово:**

Терпя́ в страда́ниях, мучени́че Иа́кове, / те́ло
 твое́ преда́л еси́ за Христа́ Бо́га / и, раздробля́емь
 ру́це, и стѣгна, / и мь́шцы, и лы́ста, и пе́рсты, / и
 коне́чное главу́ твою́, / возлете́л еси́ на Небеса́, /

сцáрствуя Царю́ всех./ Тёмже страдальцем держáвнейше/ не оскудева́й моля́ся/ спасти́ся душáм нáшим от всякаго вреда́ чужда́го.

**И ны́не,
Богорóдичен или Крестобогорóдичен.**

Подóбен: Егда́ от Древа:

Егда́ несквѣрная А́гница ви́де Своего́ А́гнца,/ на заколе́ние я́ко Челове́ка волею́ влекóма,/ пла́чущи, глаго́лаше:/ безча́дствовати́ Мя ны́не тщи́ши-ся, Христе́, рóждшую́ Тя./ Чтó сие́ сотвори́л еси́, Избáвителью́ всяческих?/ Обáче воспева́ю и сла́влю Твою́,/ ю́же па́че ума́ и сло́ва,/ крайнюю́ бла́гость, Человеколю́бче.

НА ЛИТУРГИИ

Прокíмен, глас 4: Святы́м, иже суть на земли́ Егó,/ удиви́ Го́сподь вся хотѣния́ Сво́я в них.
Апóстол ко Ефесеем, зачáло 233. Аллилу́ия: Мнóги скóрби праведным: **Евáнгелие от Иоáнна, зачáло 50. Прича́стен: В пáмьятъ вѣчную:**



**Святителя́ Иа́кова, епископа́ Ростóвскаго,
чудотво́рца**

ВѢЧЕР

Блаже́н муж: **На Го́споди, воззва́х: стихи́ры, глас 6.**

Подóбен: Все отлóжше:

Песь освяще́н и Богоно́сец показа́лся еси́,/ пома́зание Бо́жие свято́е,/ Святы́м Ду́хом обложѣ́н,/ и свѣ́тло входя́ въ́ну во свята́я святы́х,/ Богонача́льными светлосты́ми озаря́емь,/ и благода́ти причаща́ясь спаси́тельным та́инам,/ я́ко и́стинный иерáрх пресла́вен/ со дерзнове́нием моли́ся о душáх нáших.

Просвети́ся жити́е твоѣ́ добродѣ́тельными светлосты́ми,/ и ве́рныя просвети́л еси́,/ и льсти́ тьму́ разгна́л еси́,/ и́стинное бо яви́лся еси́ и светоза́рное со́лнце,/ иерáрше преблаже́нне

Иакове, / и ныне вселился еси, идеже сияет Свет не вечерний, / сын дне благодатию Духа Святаго быв. / Темже, твою Божественную память и светносную / чёстно совершающе, приснопамятне, / любовьию почитаем.

Ум твой мановением, / еже к Богу, мудре, верою удобряемь, / светел явился еси, всеславне, / в мёртвенном теле и тленнем, премудре, / нетлению поучився, / притяжал еси Безплотных светлости, / и страстей вне быв, / безстрастием украшаяся, / Иакове отче, иерарше премудре, / светлейшее светило / и молитвенниче о чтущих верою память твою.

Ины стихиры, глас 8.

Подобен: О преславнаго чудесе!

Преподобне отче Иакове, / ты ещё во утробе сый матери, / архиерейства прозвание имя приим наречённое, / измлада Христа возлюбил еси, / вручився же пастве словесных овец, / добре пасл еси Церковь Христоу. / Тем празднуем твоё успение, / радостию сердца Христа величаем, / прославляющего Своего угодника.

Преподобне отче Иакове, / испроси яже к Богу молитвами твоими Церкви утверждение, / иерарха покрый молитвою своею, / благочестивым же и христоролюбивым победы даруй на враги и одоление, / граду же твоему крепкое и недвижимое утверждение, / и верным людем грехов оставление испроси, / и о всех нас, притекающих к мощем твоим / и светло творящих празднество успения твоего, / святе, помолися.

Преподобне отче и Богоносе святителю Иакове, / ты воистинну явился еси, просвещая всех омраченная сердца, / наставляя на путь истинный. / Ты был еси убогим и сиротам и вдовам заступник, / вельможам твёрдое наказание и утверждение, / всем, верою притекающим под кров пречистыя Божия Матере, / испроси, святе, грехов оставление, / моляся за ны ко Владыце.

Слава, глас 8.

Апостолов ревнителя Иакова, / преблаженнаго отца и учителя, / сошедшеся днесь восхвалим, / имже Христа Бога познахом, / и от тьмы к свету

приблизившися, очи и сердца да просветим, / и в память его ликовствующе, / купно возвеселимся, / обрѣтше вождя, право ведуща в Царствие Божие.

И ныне,

Богородичен: Кто Тебѣ не ублажит:

Вход. Прокимен дне и чтѣния три святительская (зри страницы 252—255)

На литий стихиры, глас 8:

Преподобне отче Иакове, / ты возшед на лествицу Божественнаго разума / и к Богу приближаяся, / усыновения дар от Него приим, / исцеляя недуги неисцельныя / и отгоняя дѹхи нечистыя. / Тем твое успѣние празднуем радостию сердца, / Христа прославляюще, / величающа Своего угодника.

Глас 4:

Возрев неуклонно на высоту разума / и усмотрѣл еси безвѣстно премудрости глубинѹ, / учѣнии мир обогатил еси, отче, / о нас присно моли Христа, святителю Иакове.

Человѣче Божий, верный угодниче, / строителю Того таин и муж желаний духовных, / столпе одушевленный, духовный образ, / яко Божественное сокровище Церкви обрѣтше тя, / молитвенника о дѹшах наших.

Глас 8:

Святителю Иакове, / высотой добродетелей Божие просвещѣние, / духовный органе*, православных славо, / зловѣрия обличителю, / девственному лику великое, и спасенное, / и дивное мудрование показался еси.

Слава, глас 6:

Православныя веры / душевныя ради мудрости учитель явился еси, Иакове блаженне, / Христа обрѣт наставника, / советы злославныя еретическия разгнал еси. / Тем молим тя, свѣте: / молися Христу Богу о нас всегда, / еже о тебѣ известованную Православную веру / неподвижно сохранити нам / и велию милость испроси, отче Иакове.

И ныне, Богородичен.

* орган — музыкальный инструмент, игрой на котором сопровождалось Богослужение в Ветхом Завете.

На стихóвне стихи́ры, глас 4.

Подóбен: Я́ко до́бля:

Заря́ми духо́вными просвеще́нное / светоза́рное
со́лнце был еси́, / я́коже лучи́ уче́ния во вся концы́
простира́я / и ве́рных озаря́я исполне́ние,
блаже́нне, / и отгоня́я тьму́, Богоно́се, ересей́ /
си́лою от Де́вы Возсия́вшаго.

Стих: Че́стна́ пред Го́сподем / смерть преподо́б-
ных Его́.

Благосказа́нием словес твои́х, свяще́нный
Иа́кове, / Це́рковь вся украша́ется, / раду́ющийся
уче́ными кра́сными в добродете́лех, / и почита́ет
свяще́нное твоё преста́вление, пресла́вне, / свя-
ще́нных похвало́, отцев верхо́вниче, / Пресвяты́я
Тро́ицы побóрниче.

Стих: Свяще́нницы Твои́ облеку́тся в пра́вду, / и
преподо́бнии Твои́ возра́дуются.

Огненными твои́ми уче́нии / ересей́ вся́кая
хвра́стная* попада́ется леть, премúдре, / разу́мны-
ми глублина́ми погружа́ется / во́инство не повинú-
ющихся злочестивых, / свяще́нне óтче Иа́кове,
уче́нии твои́ми, / и украша́ется ве́рных всегда́
Це́рковь, / велегла́сно чту́щих тя.

Сла́ва, глас 8:

Иже по о́бразу соблю́д невредíмо, преподо́бне
óтче, / о Христо́ве о́бразе проти́ву стал еси́
му́жески, / не убо́явся вра́жеского преще́ния, / но
духо́вным мече́м того́ убил еси́. / Те́мже, дерзнове́-
ние стяжа́в к Бо́гу, / спаси́ ста́до твоё от ересей́
всех, / Иа́кове многострада́льне.

И ны́не, Богоро́дичен.

Тропа́рь, глас 4:

Избра́н от ю́ности Бо́гови быв, / святите́лю
Иа́кове, / сегó ра́ди архиере́йства са́ном
почте́н, / упасл еси́ лю́ди, я́же тебе́ Бо́гом
вруче́нныя. / Те́мже и по преста́влении / чуде́с
дарова́ния от Бо́га прия́л еси́ / исцеля́ти разли́ч-
ныя недúги. / Моли́ о нас, соверша́ющих че́стную
па́мять твою́, / да тебе́ непреста́нно велича́ем.

Сла́ва, и ны́не, Богоро́дичен.

* хвра́стная, хвра́стие — хворост, кустарник.

НА УТРЕНИ

**На Бог Господь: тропарь тойже.
По 1-м стихословии седален, глас 1.**

Подобен: Гроб Твой:

Служитель быв Христа, всяческих Владыки, / научил еси люди и просветил еси Божественным учением, / к разумению сих наставляя, святителю. / Темже ты проповедника истинна вси именуем, / всечестнаго святителя и угодника Христова.

Слава, и ныне, Богородичен:

Безневестная чистая Богородице Дево, / едина предстательница верных и покров, / бед, и скорбей, и лютых обстояний вся избави, / иже на Тя упование имущия, Отроковице, / и души наша спаси Божественными мольбами Твоими.

По 2-м стихословии седален, глас 4.

От юности взял крест твой, / благочестно последовал еси и увядив плотское мудрование воздержанием. / Тем, на архиерейском седалищи сед, / возвеличил еси Владыку и Того пречистую Матерь, / знаменьями различными твою украсившая раку, Иакове Богоблаженне.

Слава, и ныне, Богородичен:

Дево Всенепорочная, Пресущнаго Бога рождающая, / со иерархом Иаковым Того непрестанно моли / оставление согрешений и исправление жития дати нам прежде конца, / верою и любовью чтущим Тя по долгу, едина Всепетая.

По полиелееи седален, глас 8.

Подобен: Премудрости:

Над страстьми царствовал еси плотскими, / иерарх явився Богоподобен, / град твой Ростов упасл еси, / учением же просветил еси и наказал еси славити Единого Бога в Трех Ипостасех. / Темже источаеши исцеления и по кончине / верою притекающим ко пречистой Божии Матери и к мощем твоим, Иакове, / моли Христа Бога грехов оставление подати / чтущим любовь святую память твою.

Слава, и ныне, Богородичен:

Небесную дверь и кивот, / пресвятую гору, светлый облак воспойм, / неопалимую купину, /

словесный рай, / Евы воззв́ание, вселенныя всея великое сокровище, / яко спасение в Ней соделася миру и оставление древних согрешений. / Сего ради вопи́ем Ей: / моли́ся Сы́ну Твоему́ прегрешений оставление даровати / благочестно поклоняющимся всесвятому́ Рождеству́ Твоему́.

Степenna, 1-й антифoн 4-го гласа. Прокимен: Уста́ моя возглаголют премудрость, и поучение сердца моего́ разум. **Стих:** Уста́ праведнаго поучатся премудрости, и язык его́ возглаголет суд. **Прокимен:** Всякое дыханье да хвалит Господа. **Стих:** Хвалите Бога во святых Его: **Евангелие от Иоанна, зачало 35.**

По 50-м псалме стихира, глас 6.

Самогласна:

Наследниче Христов, слуго́ Господень Иакове, / по имени твоему́ тако и житие твое, / просияв бо седминами разум, / свидетельствоваше светлость лица твоего́ душевное незлобие, / извествоваше кротость слово молчаливое, / жизнь твою́ славная и успение со святыми, / моли́ о душа́х наших.

Канон Богородицы на 6 и святаго на 8.

Глас 6.

Песнь 1

Ирмос: Яко по с́уху пешешествовав Израиль / по б́езде стопами, / гонителя фараона / видя потопляема, / Богу, победную песнь / поим, вопияше.

Божественными зарями и священными светосиянии / присно мою́ душу озари, / твой, иерарше, праздник, отче, славяща.

Всесветлую ты звезду́ мысленное пока́зало Солнце, / светлость твоих добродетелей просвети́ землю, / святителю Христов, мудре Иакове.

Житие присно очищено и чисто / и скверне несмешено явив, Христов священ сосуд, премудре, / показался еси́ на земли, Иакове блаженне.

Богородичен: Со Отцем Сый Единородный, / земныя обожив, Чистая, / за многия щедроты яко Бог преблагий.

Катавасия: Христос раждается:

Песнь 3

Ирмос: *Несть свят, / якоже Ты, Господи Бóже мой, / вознесый рог верных Твоих, Блáже, / и утвердивый нас на камени / исповедания Твоего.*

Сын дне свѣта, ты, святителю, труды твоими явился еси / и ясно во свѣтлостех ныне святых сияеши благодатию.

Проповѣдая ныне благочестивно Троицы Единого Божество, / идольскую лествицу искоренил еси от земли, / яко честный святитель и яко Слово истинный служитель.

Путь обличил еси, мудре, всем прельщенным нечестиваго искушения / и привел еси к Слово Пастыреначальнику, / яко пастырь словесный и спасительный.

Богородичен: Пристанище буди ми и окормление, / бедствующу страстьми неослабно и погибающе, / пристанище сущи в мори житейшем, едина Чистая Приснодево.

Седален, глас 8:

Подобен: Премудрости:

Украшаяся премудростию разума, / гордыню низложил еси плотския тягости / и был еси обитель Духа Пресвятаго, / непременно простираяся разумом к Любящему тя. / Тем ревностию Божественною разгараяся, славне, / сиротам и убогим утверждение явился еси, Ангелов собеседник Иакове, / моли Христа Бога грехов оставление подати / чтущим любовь святую память твою.

Слава, ин седален, глас 4.

Подобен: Явился еси днесь:

Правоверно, преподобне, Церковь Христову упасл еси, / еретическия отгнал еси плевелы* / и в Вышних селех водворяеши, преблаженне.

И ныне, Богородичен: Яко Всенепорочная: (зри страницы 19—20)

Песнь 4

Ирмос: *Христос моя сила, / Бог и Господь, / честная Церковь / Боголепно поет взывающе, / от смьсла чиста / о Господе празднующи.*

* плевелы — опьяняющий куколь, род ржаной травы с ядовитыми семенами, которая до созревания колосьев внешне похожа на пшеницу. Вызывает заболевание кишечника, часто приводящее к смерти.

Предвѣдый Бог, блаженне, твоея души красоту и разума чистоту, / священнопроповѣдника мудра и учителя показá ты.

Духом просвещен сый, / сущия во тьме прелести просвещáеши / и Крещением сыны дне совершáеши, святителю пресловущий.

От тьмы зверей избáвил еси стадо твое, растерзати ищущих / и отступити веры непорочныя, / святителем доброто и пастырем старейшинство.

Богородичен: Разумно в купинѣ Ты огнепальней Моисей видеви, / явственно образующей Бога, / хотяща из Тебѣ родитися неизреченно, Богородице Приснодево.

Песнь 5

Ирмос: Божиим Светом Твоим, Блаже, / утренюющих Ти души любовью озари, молюся, / Ты ведети, Слове Божий, / истиннаго Бога, / от мрака греховнаго зывáюща.

Святительскую твою одежду священную носив священно, / нечестивыя просветил еси, честный святителю, / Единство Несозданно в Трех Лицах, Иакове премудре, проповѣдал еси.

От уст волка мысленнаго восхитил еси люди учением, Богогласе, / уста еретическая велеречивая твоими Богословии заградил еси, отче.

Яко святителя великаго и апостолом общника / Церковь славит ты вся верных, Иакове славне, и град Ростов, / егоже своими молитвами сохранен непреклонный и недвижимый, / Иакове святе, равне апостолом.

Богородичен: Законы естества Пресущный Бог обновляет, Непорочная, / из Твоей утробы раждáется, / един усвоив всяческая волею.

Песнь 6

Ирмос: Житейское море, / воздвизáемое зря напáстей бурею, / к тихому пристанищу Твоему притек, вопию Ти: / возведи от тли живот мой, / Многомилостиве.

Возвышено смирение чистотою ума / и любовь нелицемерну, веру и надежду имея истинну, Иакове всеславный, / Троицы явился еси жилище.

Ныне от созв́ания твоего́ Духом, премудре, /
 иже по тебе́ благодатию словесных овец / наставни-
 ка приводиши к жертвеннику, добродетели
 писанием облистáема.

Вельми́ украсившася Ростовскаго священiя, /
 седи́лицу ты учи́т, прехва́льне, Дух Святы́й, / и
 тебе́ па́стыря руко́ю святительскою, Иа́кове, со-
 верша́ет.

Богородичен: Дверь Богоблагодáтная, / отвёр-
 зши дв́ери Небесныя, дв́ери св́ета отвёрзи ми,
 Влады́чице, / и от врат смёртных свободи́ мя,
 Чистая.

Конда́к, глас 8:

Яко архиереев сопрестольник / и святителем
 изрядный побóрник был еси́, святителю
 Иа́кове, / непрестáнно сохраня́й от́чество твоё,
 град же и лю́ди, / тебе́ véрою почита́ющия и
 честным мо́щем твоим поклоня́ющияся, / да веле-
 гла́сно тебе́ вопи́ем: / ра́дуйся, Иа́кове Богомудре.

Икос:

Из чрева ма́терня освящённаго святителя
 Господня / хва́лит ны́не вся страна́ Росси́йская, /
 преподо́бнаго Иа́кова, Ростову гра́ду
 утверждéние, / благодáтныя да́ры приёмаго Бо-
 жественныя сла́вы, / к нему́же притека́юще, вси
 véрою тёплою / мо́щи его́ любéзно целу́ем. / Тем и
 аз, недостóйный и грéшный, надéясь на моли́твы
 тво́я, святителю, / яже ко Влады́це и Пречы́стей
 Его́ Матери, / желаю́, áки пси от крупи́ц, па́да-
 ющих от трапéзы господий свои́х, насыщéние
 при́яти, / е́же в День Сýдный содея́нных мно́ю зол,
 моли́твами твоими́, свя́те, / прощéние уллучи́ти, / да
 велегла́сно тебе́ вопи́ю: / ра́дуйся, Иа́кове Бого-
 мудре.

Песнь 7

Ирмос: Росодáтельную́ убо пещь / соде́ла Ангел /
 преподо́бным отро́ком, / халдеи́ же опаля́ющее
 велéние Бóжие / мучи́теля увещá вопи́ти: / благо-
 словéн еси́, Бóже отéц на́ших.

Вразумля́л еси́ неразумныя, обра́щал еси
 прельщённыя, / совраща́ющияся же, отче, спáсл
 еси́ и Бóгу привёл еси́ чисты, / Тому́ пою́щия

благочестно:/ благословен еси, Господи Боже отец наших.

Украшишася Божественнии твои подвиги,/ воплощение проповедающе неизреченным милосердием возсиявшего нам,/ Ему же вопием прилежно:/ благословен Бог отец наших.

Обладав страстьми телесными,/ пощением, славно, необладаемъ житейскими напастями явился еси./ ныне поеши присно:/ благословен Бог отец наших.

Богородичен: Избавляеши древняго преступления Рождеством Твоим, Пречистая,/ хвалим Тя, спасеннии Тобою, Дево, и, поюще, вопием Ти:/ благословен Бог отец наших.

Песнь 8

Ирмос: Из пламене преподобным росу источил еси / и праведнаго жертву водою попалил еси, / вся бо творishi, Христе, токмо еже хотети. / Тя превозносим во вся веки.

Процвел еси, яко финикс, во дворех Божиих / и должным сном преподобным уснул еси, / присно же наслаждение пребожественный гроб твой / и чудо видящим, Иакове проповедниче, показуеши.

Божие бо Слово существенное, / священно ты и святителя возставляет, помазающа люди, / священносвятителю и престольниче Ростовский и светильниче вселенныя.

Воплощагося Слова Богословил еси, / многобесловесия бо люди избавив, / Божествен был еси ученик возсиявшего, Иакове Богогласе.

Богородичен: Священнонаучився Твоим тайнам, / пророчески Божественный лик, Богородице, издалеча увидев / и яко положив Богопроповедно Божественнаго проповедания Рождества Твоего.

Песнь 9

Ирмос: Бога / человеком невозможно видети, / на Него же не смеют чини Ангельстии взирати, / Тобою бо, Всечистая, явися человеком Слово воплощено, / Его же величающе, / с Небесными вои / Тя ублажаем.

Яко свет, яко свѣщник, яко великое солнце, /
яко молнія Христове Церкви возсиял еси, / и
верных разумы просветил еси, / и в невечерняя
места вселился еси, / поя трисвятыми гласы Трои-
цу Несозданную.

Плотию мира кроме быв, святителю, в прекрас-
ных чине обитая, / рода нашего обогащяеши
творением светлым. / Темже память твою верою
совершаем на земли, Иакове премудре.

Земля тело твоё блаженное скрывает, яко
исцеления точащи верным, / Небо же дух со
избранными от века носит, / Божественными си-
янии озарен еси воистинну, яко всеславный.

Богородичен: Глас Архангела Гавриила приё-
ши, Великаго Совета, Чистая, / Христа Еммануила
родила еси, со Ангелы земныя вся сочетавшаго, /
едина виновна нашего, Дево, блаженства.

Светилен.

Подобен: Учеником:

Чуднаго и славнаго святителя Иакова
великаго, / приидите, песнями Божественными и
священными похвалим, / яко Ростову председа-
льника и Ангельским чином сослужбника бывша.

Слава, другой светилен.

Подобен: Посетил ны есть:

Славно красится днесь светозарное
торжество, / иже во свете славы Божия предстою,
святителю, / помяни нас, хвалящих твою память.

И ныне, Богородичен:

С Богом упование на Тя возложихом,
Пречистая, / Иже из Тебе прошедшему сраспина-
емся Христу, / Твоими же к Нему молитвами
невредими даже до конца сохрани.

На хвалитех стихиры, глас 1.

Подобен: Небесных чинов:

На Небеси сый почиваяй веселяся, / моли за ны
Пресвятую Троицу / милость подати нам,
святителю, / и житие безгрешно, / яко в Тую
верующих присно скорби отгоняет / и недуги
исцеляет.

Милосердия твоего источник нам даруй и
благодать, / вскоре радости исполни, / подай же

цельбы в скорбех и печалех, / моля Христа, /
всеславно, / спасти вся, поющая тя.

На веселие вшед нетлѣемое, / веселие дати
моли, еже спасти рабы твоя, / можеши бо, Иакове,
в молитвах беды вся разгнати, / моля Христа
исцелити болящая / и спасти души наша.

От законнаго корене израсте ветвь всынѣния, /
водами напоен ясно, Иакове, / ибо Церкви Христо-
ве, яко финикс высоковерхий, / процвел еси нам,
просвещая верныя. / Тем ныне со святители пред-
стоя Престолу Христову, / молися о душах наших.

Слава, глас 6:


Добродетелей твоих, отче преподобне, плод /
просветил есть верных сердца, / кто бо, слыша
безчисленное твоѣ смирение, / и терпению не
удивится, / еже к нищим тихости, скорбящим
утешение / вся Боголепно научил еси, / преподоб-
не святителю Иакове. / И ныне неувядаемым
венцем увязлся еси, / моли о душах наших.

И ныне, Богородичен: Владычице, прими:

Славословие великое, и отпуст. И час 1-й.

НА ЛИТУРГИИ

**Блаженны от канона, песни 3-я и 6-я. Служба
вся святительская.**



**Святитель Иаков, епископ Ро-
стовский**, родился в простой крестьян-
ской семье в деревне Яковлево
Ростовской области. Сердцеведец
Господь избирает Своих служителей
не по знатности рода, а за простоту
сердца. Возлюбив Господа, в молодые
годы он принял монашеский постриг
в небольшой Коньрьской обители,
расположенной в 48 верстах от Росто-
ва, где впоследствии был избран
игуменом. В 1386 году митрополит
Пимен возвел его в сан епископа
Ростовского. Однако недолго свя-
титель Иаков возглавлял Ростовскую
кафедру. Около 1389 года Ростовская
княгиня Феодора, осужденная за пре-
ступление на смерть, обратилась за
помощью к святителю, умоляя спасти
ее от казни. Святитель Иаков, следуя
примеру Спасителя, велел бросить в
нее первый камень тому, кто считал
себя безгрешным. Князь, бояре и
горожане, недовольные таким судом,
отменившим их приговор, изгнали
архипастыря из города.

Смиренный святитель покинул Ростовский кремль и направился к озеру Неро, на берегу которого снял с себя мантию, положил на воду и благополучно переплыл на ней на противоположный берег. Там в двух верстах от Ростова он построил небольшую келлию для уединенных подвигов. Вскоре к нему за духовным советом стали приходить городские жители. Некоторые из них оставались со святителем. Для них угодник Божий построил келлии и деревянную церковь в честь Зачатия святой Анны (празднование 9 декабря), так было

положено основание Иаковлевскому монастырю. Ростовцы, осознавшие свое заблуждение, раскаялись перед святителем и просили его возвратиться на архипастырскую кафедру, но праведник не пожелал оставить своей уединенной обители.

27 ноября 1392 года он мирно отошел к Богу и был погребен у северной стены основанного им Зачатьевского храма. Празднование памяти святителя Иакова, епископа Ростовского, установлено определением Собора Русской Церкви в 1549 году.



В
ТОЙЖЕ
ДЕНЬ

**Обрѣтение честныхъ мощей
благовѣрнаго великаго князя Всѣволода,
наречѣннаго во святомъ Крещѣнии Гавриѣла,
Псковскаго чудотворца**

ВѢЧЕР

**Блаженъ мужъ: 1-й антифѣнъ. На Господи, воззвахъ:
стихиры, глас 1.**



Подобенъ: **О**, дѣвное чѣдо:

О дѣвное чѣдо! / Источникъ чудесѣмъ, отъ многъ летъ сокровѣнъ, / днесь преслѣвно всемъ являється / и своимъ явлѣниемъ преслѣвно всехъ освящаетъ. / Къ нему же, вѣрнии, возопиѣмъ, радующесе: / о блаженне Гавриѣле, / Христови молися даровати молитвами твоими / всемъ поющимъ тя велию милость.

О, преслѣвное чѣдо! / Иже иногда на земли сокровѣнъ, / днесь преслѣвно, яко солнце, облистѣ / и просвети насъ, празднующихъ честно / мощей его обрѣтение, / къ нему же, вопиюще, глаголемъ: / о блаженне Гавриѣле, / Христови молися даровати миръ вселенней / и душамъ нашимъ велию милость.

Твое празднуютъ обрѣтение священныхъ множества / и христоролюбивыхъ людей сонмы. / В преслѣвнемъ ти обрѣтении красящесе, / празднственная пѣния тебе воспевающе, глаголемъ: / о

преблаженне Гаврииле, / молися мир вселенней
даровати / и душам нашим велию милость.

Слава, глас 6:

Егда обречение твоих честных, блаженне, мощей бысть, / тогда благочестивых множества стекаются, / видети желаяще твою мощи, / благоверный княже Гаврииле, / и, узревше, радости исполнившеся, / со слезами сице глаголаху: / слава Тебе, Владыко Христе Боже, / яко сподобил еси нас видети / неисчерпаемых даров сокровище, / от многих лет сокровено, / ныне нам, недостойным, явлено. / Но, о блаженне и благочестиве Гаврииле, / в твоё обречение мир испроси, / православным христианом на супостаты победы / и душам нашим велию милость.

И ныне, Богородичен: Кто Тебе не ублажит:

Вход. Прокимен дне. Чтения три святительская
(зри страницы 252—255).

На стиховне стихиры, глас 6:

Приидите, сынове руссии, / возвеселимся
празднолюбезно / и, духовный лик составльше, /
душевные свещи просветим, / тако почтим великаго
князя Всеволода, / яко апостола, песнями, / той
бо молится Христу Богу / спастися душам нашим.

Стих: Возвеселится праведник о Господе / и
уповает на Него.

Яко свещу незаходящую, / яко светильника
всемирнаго, великаго князя Всеволода / почтим
всечестную его память / и преславное житие его, /
той бо молится Господеву / спастися душам нашим.

Стих: Блажен муж, бойся Господа, / в запове-
дех Его восхощет зело.

Яко солнце незаходящее, / на земли луча
распростер / и озарил еси верных сердца, / совер-
шающих светлую память твою, / всеблаженне
княже Всеволоде, / и молишися Христу Богу /
спастися душам нашим.

Слава, глас 2:

Всем благоверным русским князем похвала ты
еси, / блаженне княже Гаврииле, / от юности бо дом
Духу Святому был еси. / Его же моли спребывати в

любящих тя / и верою празднующих честное твоё
обретение, / да вси тебе любовью зовём: / моли
избавитися нам от бед наших и скорбей.

И ныне, Богородичен: О, чудесе новаго:

Тропарь, глас 4:

Наста днесь всечестный новый праздник, /
обретение честных мощей / блаженного князя
Гавриила, / веселящи изрядно всех благочестивых
множества, / темже, вси вернии, / сошедшеся во
святой храм Живоначальной Троицы, возопиём: /
блаженне княже Гаврииле, / имея дерзновение ко
Христу Богу, / моли спастися празднующим любó-
вию память твою.

Слава и ныне, Богородичен: Еже от века утаенное:

НА УТРЕНИ

На Бог Господь: тропарь тойже и Богородичен.

По 1-м стихословии седален, глас 4:

Благоволів благими деянии, / искусися, яко
злато в пещи, напастьми, / Всеволоде славне, /
темже и по смерти источаеши богато чудеса, яко
воды, / и недуги исцеляеши. / О нас присно
молися, / яко да согрешением прощение приимем.

Слава и ныне, Богородичен:

Стена непобедимая нам, христианом, еси, Бого-
родице Дево, / к Тебе бо прибегающе, невредими
пребываем / и, паки согрешающе, имамы Тя
Молитвеницу. / Тем, благодаряще, вопиём Ти: /
радуйся, Обрадованная, / Господь с Тобою.

По 2-м стихословии седален, глас 3.

Подобен: Красоте девства:

Благодарно зовём вси Христову угоднику, /
милостивому, незлобивому и кроткому, / прилежно
молящися: / любовью разруши брань страстей
наших / и отжени бесовская мечтания, блаженне, /
и моли Христа Бога / даровати нам велию милость.

Слава и ныне, Богородичен:

Красоте девства Твоего и пресветлой чистоте
Твоей / Гавриил удивився, вопияше Ти,
Богородице: / кую Ти похвалу принесу
достойную? / Что же возыменую Тя? / Недоумеваю
и ужасаюсь. / Темже яко повелен бых, вопию Ти: /
Радуйся, Благодатная.

Величание:

Велича́ем тя, / благове́рный кня́же Гаври́иле, / и
чти́м святу́ю па́мьятъ твою́, / ты бо мо́лиши за нас /
Хри́ста́ Бо́га на́шего.

Ино величание:

Ублажа́ем тя, / благове́рный кня́же Гаври́иле, /
и чти́м обре́тение че́стных мо́щей твои́х, / и ны́не
мо́лиши за нас / Хри́ста́, Бо́га на́шего.

Псалом избранный: Блаже́н муж, бойи́ся Го́спода:

По полиелее седа́лен, глас 8.

Подобен: Повеленное:

Сконча́в до́брый по́двиг / и ве́ру соблю́д в
се́рдцы сво́ем, / и ве́нец нетле́нный от Бо́га при́ял
еси́, блаже́нный кня́же Все́володе, / и сла́вы Его
сподо́бился еси́, / и Пре́сто́лу Его́ предста́л еси́. /
Ему́же моли́ся спасти́ град Пско́в от наше́ствия
пога́ных / и твоё че́стное обре́тение почита́ющим
грехо́в оста́вление дарова́ти / и чту́щим любо́вию
святу́ю па́мьятъ твою́.

Слава и ныне, Богородичен:

Повеле́нное та́йно при́ем в ра́зуме, / в кро́ве
Ио́сифове тца́нием предста́ Безплотный, глаго́ля
Неискусобра́чней: / Прикло́ни́вый схожде́нием не-
беса́, вмеща́ется неизме́нно весь в Тя. / Его́ же и
ви́дя в ложесна́х* Твои́х, при́емша ра́бий зрак, /
ужаса́юся зва́ти Тебе́: / ра́дуйся, Невесто́ Невест-
стная.

Степenna, антифо́н 1, глас 4. Прокі́мен: Пра́-
ведник, я́ко фи́никс, процветёт: **Стих:** Наса́ждени
в до́му Го́сподни, / во дво́рех Бо́га на́шего процвет-
ту́т: **Ева́нгелие от Луки́ зача́ло 35. Стихи́ра по 50-м
псалме́, глас 6:** Егда́ обре́тение твои́х че́стных,
блаже́нне, мо́щей бысть: **пи́сана на Го́споди,**
воззвах: сла́ва (зри страницу 448)

**Кано́н Богоро́дице, с ирмосо́м на 6
и свято́му кано́н на 8, глас 8.**

Песнь 1

Ирмо́с: Во́ду проше́д, я́ко су́шу, / и египетскаго
зла́ избежа́в, / израи́льтянин вопия́ше: / **Изба́вите-
лю́ и Бо́гу на́шему по́йм.**

* в ложесна́х— в утробе

Мрак греховный отжени, Светодавче Христэ, / и свѣще просвети окаянную мою дѹшу / пѣти Твоего угодника обрѣтение, блаженнаго князя Гавриѣла.

Храм Святѣя Трѣицы паче солнечных луч просветися, / явлены имея в себѣ твоя мѹщи, блаженне, / созывает православных множества праздновати нѹвый праздник свѣтел твоего обрѣтения.

Великих князей русских корене / Богом израстшую ветвь, блаженнаго Гавриѣла, / благочестивых множества, сошедшеся, похвалим / и память его свѣтло празднуем, / да молитвами его прийдем грехов прощѣние.

Богородичен: Застѹпница скорбящим / и спасѣние ненадеющимся Ты еси, Богородице всепетая, / молися прилѣжно Сѣну Своемѹ от бед избавитися нам.

Катавасія Рождествѹ Христовѹ

Песнь 3

Ирмос: Небеснаго круга Верхотворче, Господи, / и Церкве Зиждителю, / Ты мене утверди в любви Твоей, / желаний краю, верных утверждение, / Еди́не Человеколю́бче.

Лицем к лицу зеркалом разрешенным зриши Святѹю Трѣицу, / Ей же предстоѣ со святыми, / и о нас ны́не молися, Гавриѣле блаженне, / иже верою ты славящих.

Исполнен радости день обрѣтением телесѣ твоего, блаженне, / всех к торжествѹ воздвизаеши Христови с веселием вопити: / несть свят, паче Тебѣ, Человеколю́бче.

Паки нас честным ти явлением, / благоверный княже Гавриѣле, веселиши / и паки ко своему телесѣ прикосновѣнием всех освящаеши / и учиши Христови вопити: / несть свят, паче Тебѣ, Человеколю́бче.

Богородичен: Живота нетленнаго Божия скѣния бысть, / еди́на от века явльшися Дѣвая и Мати Чистая, / в сѣни мя сѹща смѣртней к животѹ наста́ви молитвами Твоими.

Седáлен, глас 4:

Моли́твам и ми́лостыням при́сно прилежа́, бла-
же́нне Гаври́ле, / ми́лостив к тре́бующим был еси́
и незави́стный пода́тель, / тем же тя почита́ющих
от сопроти́вных зол изба́ви, / да вси твоё обрете-
ние лю́бовию почита́ем.

Слава и ныне, Богородичен:

Свет ро́ждшая пречы́стый, / И́же от Отца́ пре́ж-
де век воссия́вый, / просвети́, Отрокови́це, ду́шу
мою́ и ум, / далече́ от мене́ отгоня́щи тьму́
страсте́й, / да Тя ублажа́ю, Присноблаже́нную, /
всех ве́рных упова́ние.

Песнь 4

Ирмо́с: Услы́шах, Го́споди, / смотре́ния Твоего́
та́инство, / разумехъ дела́ Твоя́ / и просла́вих Твое́
Боже́ство.

Благода́рная пѣния принося́щая ти лю́ди не
пре́зри, блаже́нне Гаври́ле, / но приими́ сия́ и
доноша́й своему́ Творцу́ и Бо́гу на́шему, / да вси
твоё обрѣтение лю́бовию почита́ем.

Дарова́ся нам дар от Бо́га—твоя́ мо́щи,
блаже́нне. / От них же незави́стныя да́ры исцеле́-
ния почерпа́юще, / Христа́ во хвалѣнии
воспева́ем, / И́же тебе́ нам дарова́вшего.

Ру́це твои́ к Бо́гу воздежи́, кня́же Гаври́ле, / и
помоли́ся о гра́де твоёмъ Пско́ве, изба́виться от
всякаго зла, / яко да вси твоё обрѣтение че́стно
почита́ем.

Богородичен: С Бо́гом Ты Засту́пницу
стяжа́хом, / Ты бо Ма́ти Бо́жия бысть, / Творца́ и
Содѣтеля на́шего во утробѣ при́ймши,
Всенепо́рочная, / всех от сме́рти и тли спаса́ла еси́.

Песнь 5

Ирмо́с: Просвети́ нас повелѣнии Твои́ми,
Го́споди, / и мы́щцею Твоею́ высо́кою / Твой мир
пода́ждь нам, Человеколю́бче.

Рыда́ют попремно́гу го́рцыи бе́сове, / моли́тва-
ми твои́ми от человекъ отгоня́еми / и стра́сти
неисцѣльныя ви́дяще уврачу́еми. / Мы же, лю́дие
твои́, ви́дяще мо́щи твоя́, раду́ющесея, праздно́уем.

Божественную благодать в честном ти обретеніи / попремно́гу зряще лю́дие тво́й, / но́ яко чадолюбивый о́тец, моли́твами тво́ими ми́рно жити́е дарова́ти мо́лимся. / Укрепи́ благове́рныя лю́ди на супоста́ты, / да тобо́ю от злых избавля́еми, / почита́ем честно́е тво́е обретеніе.

Смирения нрав высо́к и по Бо́зе жити́е стяжа́в, блаже́нне Гаври́ле, / те́мже Всеви́дящее О́ко, ви́дев до́брое тво́е произво́ление, сла́вна ты явля́ет всем, / Христо́с и Спас душáм на́шим.

Богородичен: Еди́ну Тебе́, Всенепоро́чную, от родо́в избра́в Чи́стую, / всели́ся в Тя Госпо́дь и челове́ки обожи́. / Темже, яко ма́терне дерзнове́ние к Немú имúщи, / моли́ о́ иже Тя Богоро́дицу имену́ющих.

Песнь 6

Ирмо́с: Моли́тву пролию́ ко Го́споду / и То́му́ возвещу́ печа́ли мо́я, / яко́ зол душá мо́я испо́лнися, / и живо́т мой а́ду прибли́жися, / и молю́ся, яко́ И́она: / от тли́, Бо́же, возведи́ мя.

А́ще и преста́вится от земны́х, блаже́нне, / но в Вы́шних жив, со А́нгелы Бо́гу предсто́иши, / поми́най нас, и́же честно́е тво́е обретеніе пра́зднующих.

Блаже́ни родите́лие, и́же тебе́ родившии, / блаже́но же и ме́сто, тебе́ воспита́вшее. / Свята́ же и пресвята́ це́рковь и град Псков, / и́же тебе́, таково́е сокрови́ще, стяжа́вши.

На смире́ние на́ше свы́ше при́зри / и ми́лостивно назира́й, / и́же ве́рно тебе́ при́сно сла́влящих, / моли́ся от вся́кия ско́рби изба́виться, / яко́ тебе́ те́пла предста́теля к Бо́гу, Гаври́ле, стяжа́хом.

Богородичен: По́ем, Ма́ти Де́во, па́че естества́ Рожде́ство / и Твою́ нетле́нную чистоту́, / и́же в Тебе́ дивно сочта́ся де́вство и рожде́ство нетле́не, Богоневéсто.

Кондак, глас 8.

Подобен: Взбранной:

Возвесели́ся, Христо́ва це́рковь, / имúщи в себе́ исто́чника чудесе́м обильна. / Днесь, любóвию соше́дшися в тя, лю́дие тво́й, / во обретеніе честны́х мо́щей блаже́ннаго кня́зя Гаври́ла, /

воспоём песнь единому Богу в Троице,
радуящися, / сподобльшаго нас видети пречест-
ное сокровище, мѳщи его, / от мног лет сокровен-
ны, напоследок же нам явлены. / Яко да молитвами
его к Богу от всех находящих зол избавимся / и
радостною душею и веселием сердца / благодар-
ная воспоём, глаголюще: / радуйся, утверждение
граду нашему.

Икос:

От юности свое житие Спасу исправль, / внима-
тельным оком всегда к Вышнему зря, / отнюдуже
великия добродетели мудрость стяжав, / и вруче-
ние державы княжения от Бога прият, / и добре
жив в житий сем, / многи святыя цѳркви создав / и
честными бисеры украсив, иерея учредив, / и
нищия алчущия напитав, / печальныя и вдовицы и
сироты утешив. / Темже течение благочестно
совершив, / к Богу преславно духом прешел еси / и
нам в память честныя мѳщи твоя оставил еси. / Их
же ныне честное обрѳтение радостно праздно-
юще, молим тя / побѳду на враги верным
даровати, / яко да и мы, в тишине благоугодно
житие поживше, / радостною душею тебе благо-
дарственно воспоём: / радуйся, Всеволоде, про-
званный блаженный, именованный Гаврииле, / ты
бо еси утверждение граду нашему.

Песнь 7

Ирмос: *От Иудѳи дошедше, ѳтроцы / в Вавилоне
иногда / верю Трѳическою пламень пѳщный по-
праша, поюще: / отцев Боже, благословен еси.*

Иже обрѳтение твое чтущих, блаженне, / свя-
щенный собор и христоробивых народ
множества / молят избавити нас, Христови вопи-
ющих: / благословен Бог отец наших.

Свѳше от Бога дар тезоименит граду и всей
земли дан бысть, блаженне Гаврииле, / удивляя
всех чудесы, Христови вопиющих: / благословен
Бог отец наших.

Во всем житии своем, блаженне, образ быв всем
благоверным князем, / како незлѳбиво и прекрѳт-
кое еже к человеком / и како к нищим милостивное, /
светильник многосветлый был еси, Христови поя: /
благословен Бог отец наших.

Богородичен: Зачала еси, Пречистая, над всеми Бóга, / благоволившаго спасти род челове́ческий от сме́рти и тли. / Его же, пою́ще, зове́м: / благослове́н Бог оте́ц на́ших.

Песнь 8

Ирмо́с: Ца́ря Небе́снаго, / Его же пою́т во́и А́нгельстии, / хвалите и превозносите во вся ве́ки.

Влады́ку всех за ны моли́, блаже́нне Гаври́иле, / Емуже в жити́и своём благоугоди́л еси́, / ве́мы бо, я́ко имаши к Нему́ дерзнове́ние, / тебе́ бо има́мы к Нему́ ходата́я и неусыпа́ющая моли́твенника, прехва́льне.

Пресла́вным явлéнием твои́х моще́й, блаже́нне, / вско́ре сумне́ние о тебе́ от душ на́ших и от серде́ц отжени́ / и несумне́нну ве́ру да́руй Го́споду вопи́ти: / благослови́те, вся дела́ Господня́, Го́спода, / пойте и превозносите Его́ во ве́ки.

По Божéственнем ти преста́влении / взяти́и восхотéша лю́дие Вели́каго Нова́града святы́я мо́щи тво́я к себе́, / а́бие ра́ка тво́я ста́ неподви́жима, / благоволи́л бо еси́ пребыва́ти, иде́же преста́вился. / Тогда́ же и весь Боголюби́вый наро́д вопия́ху Творцу́: / де́ти, благослови́те, священни́цы, пойте и превозносите Его́ во ве́ки.

Богородичен: Сло́вом проро́ческим послéдующе, Де́во, / Богоро́дицу Тя имену́ем, / роди́ бо Отроча́, всех дрéвнейше, Емману́ил нарица́емо. / Емуже ны́не зове́м: / Го́спода пойте и превозносите Его́ во ве́ки.

Песнь 9

Ирмо́с: Вои́стинну Богоро́дицу / Тя испове́дуем / спасéнии Тобо́ю, Де́во Чи́стая, / с Беспло́тными ли́ки Тя велича́юще.

Свётлы́й и честны́й пра́здник преста́вления твоего́, блаже́нне кня́же Гаври́иле, / светле́йши же и честне́йши ны́не обрéтение твоё, / е́же сла́вяще, тебе́ велича́ем. /

Исто́чник благоче́стия яви́лся еси́ и о́браз кро́тости, / исцелéнием незави́стный подáтель, / те́мже соше́дшися благоче́стно, / твоего́ обрéтения пра́здник любóвию почита́ем.

Певцѣм, ѿже тебѣ, блаженне Гавриїле, во хвалѣнии поѹщим, / свѣше ниспослѣ по̀мощь и грехом оставлѣние испросѣ от Владыки Христа, / да тебѣ всегдѣ в пѣснях величаѣм.

Богородичен: Мѣро тайно именуѣм Тя, Пречѣстая, / яко рѣждши Бѣга плѣтию, / благоуханія источаѹща дарованія.

Светѣлен:

Скѣро предварѣ, благоверный княже Гавриїле, / верным помощниче и Христов угѣдниче, / и покорѣ врагѣ наша, иноплемѣнные языки, / да навѣкнут слѣвити Святѹю Трѣицу. / Нас же, чтѹщих твоѹ пѣмѣть, спасѣй от всякаго гнѣва.

Слава, и ныне, Богородичен:

С Бѣгом упованіе на Тя, Богорѣдице, возлѣжше, / Иже из тебѣ прошѣдшему сраспинаѣми Христу, / к Немѹ же, Пречѣстая, моли́ся невредѣмы нас до конца сохранѣти.

На хвалѣтех стихѣры, писаны на вечерни, на Гѣсподи, возвахъ: (зри страницы 447—448).

Слава святому, глас 6:

Днесъ празднѣбных собѣри, / радостным лицѣм и чѣстым сѣрдцем / духовный лик составльше, / не в кимвѣлах иудѣйски, / но в сокрушеніи душ и сѣрдѣц наших, / похваляюще Христа, истиннаго Бѣга нашего, / прославляюще свѣтаго Своего, дѣбляго князя Гавриїла, / его же ныне целѣбную раку обстоѣще, / любѣзно облобызающе, глаголем: / о блаженне княже Гавриїле, / имѣя дерзновѣние ко Христу Бѣгу, / мир мѣрови испросѣ / и душѣм нашим велию мѣлость.

И ныне, Богородичен: Богорѣдице, Ты еси лозѣ истинная:

Славослѣвие великое и отпу́ст.

НА ЛИТУРГІИ

Блаженны: пѣсни 3-я и 6-я. Прокѣмен: Возвеселѣтсѣ праведник о Гѣсподе: Апѣстол, зачѣло 325. Аллилуїя. Праведник, яко фѣникс, процветѣт: Стих: Услыши, Бѣже, моли́тву мою. Евангелие от Луки, зачѣло 67. Причѣстен: В пѣмѣть вѣчную:

Святой благоверный князь Всеволод, во святом Крещении Гавриил, Псковский чудотворец, мирно почил о Господе 11 февраля 1138 года, напутствованный Святыми Тайнами.

Славной и Богоугодной была его жизнь, но не все смогли оценить любящее сердце святого при земной жизни.

Внук Владимира Мономаха, он всей душой любил свой народ, что особенно проявилось во время его правления Новгородом. В Юрьевской обители заботами святого Всеволода был воздвигнут новый храм во имя великомученика Георгия Победоносца. Страдания родного народа были и его страданиями. Во время страшного голода в Новгородской земле святой князь все свои средства отдал на пропитание голодавших, а когда денег не осталось, то подкреплял людей словом.

Несмотря на то, что святой Всеволод исполнял свое служение с христианской самоотверженностью, ему пришлось пережить горечь несправедливых обвинений и «изгнания от своих».

Только год княжил он во Пскове, но своими Богоугодными делами оставил о себе непреходящую память в «Доме Живоначальной Троицы». Господь уготовал ему блаженную кончину среди всеобщей любви псковичей.

Новгородцы снарядили посольство в Псков, чтобы перевезти святые останки в Новгород. Псковичи не противились им, но Господу не угодно было отдать святыню тем, кто не сумел ценить любовь святого при жизни: новгородцы никак не могли сдвинуть с места раку с телом почившего.

Согласно завещанию, святой князь Всеволод был погребен в храме великомученика Димитрия Солунского. Прошло немного времени, и от его мощей стали являться знамения и исцеления приходившим с верою.

Через 55 лет святой Всеволод явился одному благочестивому псковичу и благословил перенести свои мощи в каменный собор Святой Живоначальной Троицы, воздвигнутый самим святым князем. Обретение и перенесение честных мощей было торжественно совершено 27 ноября



1192 года. (Служба на обретение святых мощей князя Всеволода была напечатана в Трефологионе 1637 года.) К середине XVI века у гроба святого князя было записано более двадцати исцелений.

В ночь на 30 июля 1363 года святой князь явился соборному пономарю и сказал: «Поспешите передать соборным Пресвятой Троицы и посадникам, чтобы вынесли из соборной церкви иконы и сосуды, ибо Господу угодно явить чудо над мощами моими в следующую ночь». Наутро из церкви все было вынесено, а в полночь обрушился церковный свод, пробивший раку с мощами святого князя и отделивший его главу (которая потом хранилась в особом ковчеге), но ни церковное имущество, ни люди не пострадали. Святые мощи были поставлены в Благовещенском приделе собора.

На Соборе 1549 года было установлено общецерковное празднование святому благоверному князю Всеволоду-Гавриилу Псковскому. Святой князь всегда неотступно ходатайствовал за Псков у Престола Живоначальной Троицы, сберегая его от врагов и умиротворяя внутренние раздоры. Молитвами блаженного Ни-

колая Псковского (память 28 февраля) и святого Всеволода Господь не допустил разорения города войсками Иоанна Грозного, пришедшего во Псков после разгрома Новгорода.

В 1581 году во время нашествия поляков псковичи в продолжение двух недель носили мощи святого князя Всеволода-Гавриила по городу к тем местам, где угрожала наибольшая опасность, и враг вынужден был снять осаду и отступить. Изнесение мощей святого Всеволода на место битвы было изображено на серебряной раме в 1834 году, когда святые мощи 22 апреля, в первый день

Пасхи, были перенесены из Благовещенского придела в главную часть собора. Во время польского нашествия (1581 г.) было явление святого князя вместе с Пресвятой Богородицей и сонмом русских святых старцу Дорофею, что свидетельствовало о его покровительстве над городом. (Это видение изображено на Псково-Покровской иконе Божией Матери; празднование 1 октября.)

Псковичи свято хранят память о святом князе Всеволоде, который и ныне является «града Псковского утверждением».

В
ТОЙЖЕ
ДЕНЬ



Преподобнаго Феодосія Тёрновскаго, иже на Кефаларстей горé постившегося

НА МАЛОЙ ВЕЧЕРНИ

На Господи, воззвах: поставим стихов 4
и поём стихиры, глас 1.

Подобен: Небесных чинов

Итию Ангельскому поревновав, пре-
блаженне, / и мира сего суетную кра-
соту ни во чтоже вменив, / Небесное
богатство усердно взискал еси / и обо-
гатился еси Божественными добродетельми. / Тем-
же молим тя: / обнищавших ны Божественнаго
разума обогати благодатию, / отче Феодосие.

В чистоте и целомудрии пожити избволив, /
плоть твою в постех и молитвах истнил еси, / всего
же себе воздержанием очистив, / ум и душу
просветил еси. / Темже молим тя: / просвети очеса
душ наших, / яко да воспоем по достойнию подви-
ги и труды твоя, / отче Феодосие.

Первый насельник пустыни Кефаларския
быв, / множество иноков в ней собрал еси к
славословию Божию, / наставляя их презирати /
суетнаго мира красоту / и искати Небеснаго
жительства. / Темже Ангелом единовсельники со-
творил еси я, / отче Феодосие.

Горькое и мутное еретическое учение / из Церкви Христо́вы мужественно отвѣрг / и Правосла́вия догматы ревностно в ней утвердив, / в благочестии соблюл еси́ лю́ди тво́я. / Те́мже и мы, ча́да тво́я, / благодарственно почита́ем всечестную па́мь твою́, / о́тче Феодо́сие.

Слава, глас 2:

Отвѣргся ми́ра и су́щих в ми́ре всех, / Ева́нгельски неукло́нно Христу́ последовал еси́, / с Ним непреста́нно пребы́вати изволя́я; / по́стническим же жити́ем плоть твою́ коне́чне изнури́л еси́ / и человекоуби́йцу зми́я удави́л еси́. / Ны́не же на Небесе́х со А́нгелы водворя́ясь, / преподо́бне о́тче Феодо́сие, / моли́ о нас, почита́ющих честную па́мь твою́.

И ныне, Богородичен: Все упова́ние моё:

На стиховне стихиры глас 2.

Подобен: До́ме Евфра́фов:

Звездú, из Те́рнова возсия́вшую / и всех Болга́р просвети́вшую, / пе́сньми восхва́лим, / я́ко вся в но́щи невѣдения наставля́ющую / и к свѣту Богора́зумия приводя́щую.

Стих: Честна́ пред Го́сподем / смерть преподо́бных Егó.

Дом Ду́ха Свята́го был еси́, Феодо́сие, / внутрь себе́ имѣя сло́во премудрости, / имже еретическия победи́л еси́ полки́, / утверди́л еси́ в ве́ре / ца́ря и лю́ди.

Стих: Блаже́н муж, бойся Го́спода, / в за́поведех Его́ восхо́щет зело́.

Сый в до́му Отца́ Небеснаго / и наслажда́ясь зрѣнием Невидимаго, / Феодо́сие блаже́нне, / не преста́й моля́ся / спасти́ся душам на́шим.

Слава, и ныне, Богородичен,
глас и подобен тойже:

Ра́дуйся, Мари́е Богоро́дице, / хра́ме неразруши́мый, / па́че же святы́й, / я́коже вопи́ет проро́к: / свят храм Тво́й, дивный в пра́вде.

Тропарь, глас 3: В блаже́нном безмо́лвии: *(зри страницу 464).*

Слава, и ныне, Богородичен: Тя, ходата́йствовавшую спасѣние ро́да на́шего:

НА ВЕЛИЦЕЙ ВЕЧЕРНИ

Поем Блажен муж: 1-й антифон. На Гóсподи, воззва́х: поставим стихов 8 и поем стихиры самогласны, глас 1:

Мир возненави́дев, Христа́ возлюбил еси́/ и Сиона́ мысленнаго жи́тель быти поревновал еси́,/ блаженне Феодо́сие,/ наказанием же учителя твоего́/ послушания совершеннаго достигл еси́/ и искушений мно́жество победне претерпел еси́./ Тёмже, Божественным себе вооружив,/ к борению льстиваго, радуясь, изшел еси́/ и сего́ победил еси́/ силою из Де́вы Возсиявшаго.

От юности целомудренне/ плотская́ мудрования покорив дýху/ и в живонóсную мёртвость одеваясь,/ свети́льник явился еси́ пресветлый,/ блаженне Феодо́сие;/ благодати же исполнен Божественнаго Дýха,/ и́стинный па́стырь показался еси́,/ и словесною цевницею/ собранное о Христé стадо дóбре упасл еси́,/ и на па́жить райскую возвел еси́.

Зрети́ желая́ мысленную свётлость/ Божественнаго светолития/ и жития́ возделев невещественнаго,/ мирская́ вся презрел еси́,/ пустыню́ душевную возделал еси́/ и сию́ слезами напоил еси́./ Желание же улучив Влады́це твоему́ предстояния,/ ны́не со Ангелы на Небеси́/ священнолéпно ликовству́еши и мо́лиши/ спаст́ся душам́ нашим.

Ины стихиры, глас 4.

Подобен: Свѣше званнѣй:

Усёрдно к ино́ческому житию́ притѣк,/ наста́ви тя Бог к равноа́нгельному Григо́рию,/ я́ко да искýс при́йм,/ дея́нию и видению́ от него́ научи́шися/ и будеши избранны́й сосúд благодати, óтче Феодо́сие./ Тёмже, творя́ще честную́ па́мять твою́, мо́лим:/ не забúди о нас срóднаго промы́сления,/ но моли́ спаст́ся душам́ нашим.

Богомёрзское хуление́ иудейское не стерпéв,/ дерзновённо царя́ и цари́цу,/ вку́пе же и патриарха́ к ре́вности возста́вил еси́/ и собору́ быти тех упросил еси́, óтче Феодо́сие,/ иде́же мýжественно на богохули́телей стал еси́/ и злове́рие их обличил

есї./ Тѣмже, почитающе честную память твою, молим:/ молися о душах наших.

Неуклонно царским путем шествуя/ и вся козни вражия ясно зря,/ деянием тело очисти есї/ и видением душу просветил есї,/ безпрепятно волны мира сего преплыл есї/ и к горнему* пристанищу достигл есї, отче Феодосие,/ идеже ныне несбытно зриши Христа./ Тѣмже, почитающе честную память твою, молим:/ молися о душах наших.

Слава, глас 8:

Царскаго лица и патриаршаго не устыдѣвша,/ ниже хитросплетенных словес ересей убоивша,/ дерзновенно на соборе проповѣдал есї/ в Трїех Лицах Единаго Бога/ и Единаго Христа, Бога же и Человека;/ иудейское убо единоличие, и Савелиево слияние,/ и прочих всех злочестие посрамив,/ верныя просветил есї/ и в благочестии утвердил есї./ Ныне же яко поборника Цѣркве Православныя/ тя почитающе, Феодосие, молим:/ молися о душах наших.

И ныне, Богородичен: Царь Небесный:

Вход, прокимен дне и чтения три преподобническая (зри страницы 229—230)

На литии стихиры самогласны. Глас 2:

Уподобился есї пчелѣ трудолюбней,/ обходя обители и взыскуя духовнаго меда,/ дондеже по сердцу обрел есї духовный улей, Григория,/ имже и наставлен быв на подвиги,/ многолѣтне потрудился есї в постѣ и безмолвии/ и просиял есї благодатию./ Ныне же во светлостех Святыя Троицы водворяясь,/ поминай ны, творящая честную память твою.

Глас 6:

Удивися наставник твой,/ великий Григорий,/ в тебе зря воздержаніе чрезмѣрное,/ и внимаше мыслию,/ хотящая ти напоследок бѣгти, Феодосие;/ видев бо твоѣ по Бозе житіе,/ вражиими прилоги никакоже колѣблемое,/ свидѣтельствоваше отец к братии, вопия:/ се меньший в нас

* горнему — высшему, верхнему, небесному

последі в пұстыни / великий светільник імат
быти Бóга нáшего.

Глас 8:

**Житіе по Бóзе испр́авив / наказ́анием отц́а
твоеѓо, / дея́нию и видéнию от неѓо научілся ес́и, /
Богоявлéнне Феодóсие; / жел́анием бо Божéствен-
ным мұдрость возлюбів, / Дұха благод́атию обогаті-
лся ес́и / и, я́ко сот ме́да, слáдость словéс твоіх
иска́пая, / прісно веселіши рáзумы Божéственны-
ми Цёрковь Бóжию. / Тёмже на Небесéх ны́не
водворя́ся, / о нас непрестáнно моли́, / соверша́-
ющих честнۇю пáмять твою́.**

Глас 4:

**Бóжиим изволéнием / в пусты́ни Кефалáрстей
вселілся ес́и / и истóчник медотóчных словéс
явілся ес́и, / источáяй Божéственныя догмáты
благочéстия. / Тёмже по вселéнной прóйде слух
твой, / Бóгу прославля́ющу тя, óтче, / и стекóшася
к тебé мнóжества, / я́коже елэ́ни, жа́ждущии воды́
живóтныя, / іщуще напоéния благод́ати. / Но и
ны́не не престáй моля́ся о восхваля́ющих тя, /
прося́ нам оставлéния грехóв и спасéния душ
нáших.**

Слава, глас 5:

**Дёланием добродéтелей / Цёркви вели́кое воз-
сиял ес́и со́лнце / и сия́нием словéс твоіх просветі-
л ес́и / вёрных людéй собóры; / столп и утверждé-
ние Цёркве Христóвы быв, / сию́ непоколеб́иму / от
искушéний лука́ваго соблю́л ес́и, / вся бо ересéй
разорі́л ес́и злодéйства, / и лю́ди твоя́ научі́л ес́и /
Трóице поклоня́тися Единосұ́щней, / и просветі́л
ес́и Цёрковь Бóлгарскую / пáче со́лнечных луч
сия́ти чистотóю, / я́же, моли́твами твоі́ми неруши́-
ма, / красі́тся да́же доны́не. / Тёмже, соше́дшеся
и благодаря́ще Бóга, / да́вшего ти благод́ать
такову́ю, / вку́пе и ты почита́ем, / Феодóсие, Бого-
мұдре óтче.**

И ны́не, Богородичен:

**Ра́дуйся, двéре Господ́ня непроході́мая; / ра́-
дуйся, стено́ и покрóве притека́ющих к Тебé; /
ра́дуйся, необуревáемое пристáнище и
Неискусобра́чная, / рóждшая плóтию Творц́а Тво-**

его и Бóга, / молящи не оскудевай / о воспевающих
и кланяющихся Рождеству Твоему.

На стиховне стихиры, глас 8.

Подобен: О, преславнаго чудесе:

Преподобне Феодосие, отче наш, / ты столп непоколебим Христовы Църкве был еси, / Божественною бо ревностию разжегся, / еретическия басни дерзновенно разорил еси, / царя и люди утверждая / в догматах благочестия; / темже яко пастырь добрый / послужил еси людем твоим / во славу Христа Бóга нашего, / Егóже моли спасти / любовьию почитающих честную память твою.

Стих: Честна пред Господем / смерть преподобных Егó.

Преподобне Феодосие, отче наш, / ты светильник явился еси словесный / и язык Богоглаголивый, / Боговещанным бо гласом весьма подвизався / во славу Божию, Богомудре, / апостолов был еси подражатель. / Темже ревностию всех посрамив, / наследник показался еси Царствия Христа Бóга нашего, / Егóже моли спасти / любовьию почитающих честную память твою.

Стих: Блажен муж, бойся Господа, / в заповедех Егó восхощет зело.

Преподобне Феодосие, отче наш, / се приидоша Болгарская множества / днесь честное твоё торжество / благочестно песньми восхвалити, / ты бо войстину воздержанием тело удручив / и молитвою душу просветив, / чистотою просиял еси, / якоже заря Света Трисолнечнаго, / и ныне на Небеси, наслаждаяся вечнаго блаженства, / непрестанно молиши Христа Бóга нашего / спасти любовьию почитающих честную память твою.

Слава, глас 6:

Звезда светозарная, / во граде Терновстем возсиял еси / учёными словес твоих, / всеблаженне Феодосие приснопамятне. / Явил бо ся еси мудрый проповедатель / и благочестия поборник, / царя и люди утверждая Православием. / Темже восхваляем тя, глаголюще: / радуйся, от утробы матери Богом избранный / отечеству твоему в

наста́вника;/ ра́дуйся, я́ко меч обоюдоу́стрый,/ посеца́яй еретическая злочестия;/ ра́дуйся, мерило извѣстное,/ всех наста́вляющее ко стези́ спасения./ Христа́ Бо́га нашего моля́ не преста́й/ спасти́ род наш.

И ныне, Богородичен, глас тойже: Творец и Избавитель мой:

На благословении хлебов тропарь преподобнаго дважды и Богородице Дево: единожды.

Тропарь преподобнаго, глас 3.

Подобен: Божественныя véры:

В блаженнем безмолвии пустыннем/ и на соборех, любвию к Бо́гу горя́,/ посрамил еси́ лука́вых бесов и ерети́к злочестивых./ На моли́тве же сто́я, огня́ свѣтлостию просия́л еси́/ и представлени́ем твои́м Ангелов пою́щих обвесели́л еси́,/ Феодо́сие, о́тче наш,/ се́го ра́ди мо́лим тя:/ моли́ся о душа́х на́ших.

НА УТРЕНИ

На Бог Господь: тропарь преподобнаго дважды. Слава, и ныне, Богородичен: Тя, ходатайствовавшую:

По 1-м стихословии седален, глас 8.

Подобен: Премудрость и Слово:

К премудрости слова добродетель приложив, Феодо́сие,/ Боговещанным твои́м гла́сом обвесели́л еси́ лю́ди твоя́ разумно,/ Трои́цы Единобо́жное проповѣдуя и злочестивыя е́реси низлагая́,/ концы́ держа́вы Бо́лгарския в ве́ре Правосла́вней утверди́л еси́./ Те́мже ны́не Христу́ предсто́я с невестественными ли́ки,/ проси́ душам спасти́ся/ любвию почита́ющих честну́ю па́мять твою́.

Слава, и ныне, Богородичен, глас и подобен тойже:

Благодáрственное похваление до́лжно, я́коже вдова́ она́я две ле́пте,/ приношу́ Тебе́, Влады́чице, о всех Твои́х даровани́их./ Ты бо еси́ покрóв мой купно и по́мощь,/ напáстей мя и скорбе́й при́сно изыма́ющи./ Те́мже, я́ко от среды́ пещи́ горя́щия, изба́вився оскорбля́ющих,/ от се́рдца взыва́ю:/ Богоро́дице, помози́,/ моля́щи Сы́на Твоего́, Хри-

ста́ Бóга нáшего, / прегрешéний оставлénие мне даровáти, / Тя бо имéю надéжду, раб Твой.

По 2-м стихословии седален, глас 3.

Подобен: Красотé дéвства Твоегó:

Ересéй лeсть обличíл есí / и Правослáвную вéру уяснíл есí, / я́ко благочéстия побóрник Богоглагóливый / проповéдал есí Едíнаго в Трóице Бóга, / Естество́м Единосу́щнаго и Ли́цы Неслия́ннаго — / Оте́ц, и Сло́во, и Дух Святы́й. / Тёмже ты по до́лгу воспева́юще, / почита́ем честну́ю па́мять твою́.

**Слава, и ныне, Богородичен,
глас и подобен тойже:**

Недомы́сленно и непостижи́мо есть, Влады́чице Богора́дованная, / соделанное о Тебé стра́шное та́инство. / Необы́меннаго бо зачénши, родила́ есí, / плóтию обложéнна от пречы́стых крове́й Твои́х, / Егóже прíсно я́ко Сы́на Твоегó моли́ спасты́ся душáм нáшим.

По полиелеи седален, глас 8.

Подобен: Премудрость и Сло́во:

Нищету́ Рождéннаго от Дéвы воспри́им, / вме́нил есí траву́ привре́менная, блаже́нне; / разу́мнаго же дрéва вкусíв, / мона́шествующих мно́жества явíлся есí наста́вник, / ихже к ре́вности А́нгельскаго жи́тельства воздвизáя / и к разу́му вéры, знаменóсне * Феодóсие, / моли́ Христа́ Бóга прегрешéний оставлénие даровáти / прáзднующим любóвию честну́ю па́мять твою́.

**Слава, и ныне, Богородичен,
глас и подобен тойже:**

Я́ко Дéву Ты и Едíну в жена́х, / безсе́менно рóждшую Бóга плóтию, / вси ублажа́ем, рóди челове́чести: / Огнь бо всели́лся в Тя Божества́ / и я́ко Младéнца млéком пита́ла есí Зиждíteля всех и Гóспода /. Тёмже досто́йно Ты прославля́юще, согласно Тебé вопи́ем: / моли́ Христа́ Бóга прегрешéний оставлénие даровáти / покланя́ющимся вéрою все́святóму Рождеству́ Твоему́.

* знаменóсне — производящий знамения, чудеса

Степенна, 1-й антифон 4-го гласа. Прокимен: Честна́ пред Го́сподем / смерть преподо́бных Его́.
Стих: Чт́о возда́м Го́сподеви о всех, я́же воздаде́ ми? **Евангелие от Матфея, зачало 43.**

По 50-м псалме стихира, глас 6:

Преподо́бне о́тче, / во всю зéмлю изы́де вещáние
исправлénий тво́их. / Тем на Небесéх обрél еси́
мзду́ трудóв тво́их. / Дéмонския погуби́л еси́
полки́ / и А́нгельския достíгл еси́ чíны, / ихже
жити́ю непорóчно поревновáл еси́. / Дерзновéние
имéя ко Христу́ Бо́гу, / мир испроси́ душáм нáшим.

Канон преподобнаго, глас 8, егоже краеграние: Богоданному (Феодосию) воспеваает Девий (Парфений) похвалу.

Песнь 1

Ирмос: Посéченный несеко́маго пресечé, / и
виде со́лнце зéмлю, ю́же прéжде не виде. / Лю́таго
врага́ вода́ пото́пи, / и непроходíмое прóйде
Изра́иль, / песнь же воспева́ше: / Го́сподеви по́йм,
сла́вно бо просла́вися.

Припев: Преподо́бне о́тче Феодо́сие, / моли́
Бо́га о нас.

Бо́жий А́гнче и Сло́ве, / светозарéнием Свята́го
Твоего́ Ду́ха / помрачénному уму́ моему́ светонóс-
ную лучу́ ниспосли́ / и сло́во ми вдохни́ восхвалí-
ти, егóже избрáл и прия́л еси́, / верх преподо́б-
ных — Феодо́сия.

Озари́ благодáтию Божéственною раба́ твоего́ /
и разумéния ду́шу мою́ испóлни, Феодо́сие о́тче, /
во éже восхвалíти житиé твоé /, ýмже вся удиви́л
еси́, подвизáяся и Го́сподеви поя́: / сла́вно бо
просла́вися.

Гра́ду вели́ких добродéтелей тво́их, / верху́
горы́ стоя́щему, преподо́бне, удиви́шася лю́дие, /
егóже светозарéнием наказу́я, / всех ко спасéнию
путеводи́л еси́, Го́сподеви поя́: / сла́вно бо просла́-
вися.

Богородичен: Отрочá Млáдо родíвши мíра
всего́ на спасéние, / Ада́ма дрéвняго старéйшее и
Роди́телю Предвéчному Сопрестóльное, / глаго́лы
Богогласных проро́ков о Тебе́ испóлнила еси́,
Богороди́це, / и нас ислéния измени́ла еси́.

Песнь 3

Ирмос: Ты еси утверждение / притекающих к Тебе, Господи, / Ты еси свет омраченных / и поёт Тя дух мой.

Добродетелей на гору восток и во мрак видения вшед, / познал еси, елико вместительно Непостижимаго естество; / просвещения же исполнен быв, / восприял еси богато благодать Божественную.

Алкая доброты Единого Бога / и жаждая славы Его, блаженне, / славу земного пребывания переходящую оставил еси / и яко угодник Владыки всех Христа просиял еси.

Непрестанным желанием духа плоти желание увядил еси / и себе, блаженне, обручил еси сожительницу чистоту, / от неяже чада тебе родишася — добродетели, / чадо ты соделавшия Невещественного Света.

Богородичен: Неизреченно Богу из Твоих ложесн прошедшу, / нас от тления свободи, Дево Чистая, / и змия мысленного умертви, умертвившаго Адама в рай иногда / и Еве праматери печаль соделавшаго.

Седален, глас 4.

Подобен: Скоро предвари:

Прелесть попалил еси злославных / и веру добре уяснил еси православных, мудре Феодосие, / и отечество твое просветил еси, / отонудуже победоносный победитель показался еси, / столп Церкви и пастырь истинный. / Не престаи убо моляся Христу спастися нам.

Слава, и ныне, Богородичен:

Скоро приими, Владычице, моления наша / и сия принеси Сыну Твоему и Богу, Господже Всенепорочная. / Побори обстояния злославных, / разори козни языковредных / и низложи дерзость нечестивых, / вооружающихся на рабы Твоя, Пречистая.

Песнь 4

Ирмос: Услышах, Господи, / смотрения Твоего таинство, / разумех дела Твоя / и прославих Твое Божество.

Образ сѣни* закона, Моисѣом даннаго, / законъ благодати показал еси быти, мудро Феодосие, / и Евангелие — таинство истиннаго Богоявления, Христу зывая: / слава силе Твоей, Господи.

Многотрудныя подвиги исполнив, блаженне, / достойно сподобился еси безсмертия, / идеже, радуясь, венец победы приял еси, вопия: / слава силе Твоей, Господи.

Удалился в пустыню, Крестителя житию поревновал еси / и, чисте тамо пожив, / благодати Христова причащался еси, / непрестанно зывая: / слава силе Твоей, Господи.

Богородичен: Врагов крепость низложи, Мати Божия, / оскорбляющих воспевающая Тя, / яко рождающая Господа славы, / и невредимо стадо Твое соблюдай от злых приражений **, / яко да по долгу Тя ублажаем.

Песнь 5

Ирмос: Утренююще, вопиём Ти, / Господи, спаси ны, / Ты бо еси Бог наш, / разве Тебе, иного не вемы.

Отпадѣх лѣностию, окаянный, и к смерти уснух, / но, яко пастырь добрый, воздвигни мя, отче, / и страсти моя мучительныя успи, / яко да чисте воспую твое светонѣсное преставление.

Сохрани отечества твоего христоролюбивых людей / молитвами твоими, Богоносче отче, / избавляя врагов нашества и пагубы всякия, / яко да вси усердно заступника тя ко Христу Богу нашему почитаем.

Подражатель явился еси Илиї ревностию, / не знаменьями страшными ужасая, / но Божественных словес ученьми наставляя / и к Православию христоименитаго Израїля от прелести врага многаяжды изводя.

Богородичен: Едину Тя облак разумный именуем, / из Тебе бо Христос возсия, / неискусомужно воплощся, Всенепорочная, / и пространнейшую Тя Небес показав за милосердие неисповедимое.

* сѣни — тени; мрака

** приражений — столкновений

Песнь 6

Ирмос: *Очисти мя, Спасе, / мно́га бо беззако́ния моя, / и из глубины́ зол возведи́, молю́ся, / к Тебе́ бо возопи́х, и услы́ши мя, / Бо́же спасе́ния моего́.*

К верé Правосла́вней еди́но бы́ти, / при́сным твои́м о́бщее промышлэ́ние твоя́ сэр́дцем и ду́шею, сла́вне Феодо́сие, / еретиче́ских отрива́л еси́ заблужде́ний / и разделе́ний бежа́ти всех учи́л еси́.

Ангелов оби́телище и рай и́стинный соде́лав пусты́ню, / в не́йже преизя́ществовал еси́ во вся́кой добродете́ли, / по преста́влении же ра́я сладо́сти сподо́бился еси́.

Единоро́днаго Сы́на Бо́жия, сладо́сть весе́лия,— / Христа́ Бо́га на́шего, / мирно́сиц слéзы в радо́сть обрати́вшего, / непреста́нными то́ки слез твои́х иска́пал еси́.

Богородичен: *Тя иногда́ написа́ скрижа́ль Богообра́зне во проро́цах вели́кий Моисе́й, / све́щник же све́та и жезл процвётши́й, Всенепоро́чная, / и ле́ствицу, ёю́же вознесо́хомся от земли́ на Не́бо.*

Кондак, глас 8.

Подобен: *Взбра́нной воево́де:*

Пропове́дник велегла́сный Боже́ственных догма́т / на собо́рах святы́х был еси́, о́тче му́дре, / ца́ри умудря́я и в ве́ре утвержда́я; / благода́тию же Боже́ственною осия́ваем, / загради́л еси́ уста́ злосла́вных, Феодо́сие. / Сего́ ра́ди вопи́ем ти: / ра́дуйся, Бо́лгарская похва́ло / и Правосла́вия све́тлое ра́дование.

Икос:

По́стническое обуча́ние усер́дно прошéд, преподо́бне Феодо́сие, / и страсте́й прило́ги течэ́нием слез твои́х вся при́тупи́в / и благоче́стие на земли́ Бо́лгарстей но́во утверди́в, / ле́ствица Боже́ственная, на Не́бо возводя́щая, / всем показáся Богопри́ятное жити́е твоё, / ёю́же сам, возше́д в Го́рния оби́тели, / и нам, уны́лым, путесо́твори́л еси́ вход, / моли́твами твои́ми выспрь* всегда́ нас вперя́я. / Сего́ ра́ди вопи́ем ти: / ра́дуйся, Бо́лгарская похва́ло / и Правосла́вия све́тлое ра́дование.

* выспрь — вверх

Песнь 7

Ирмос: *Отроцы еврейстии в пещи/ попрáша пламень дерзновénно/ и на рóсу огонь преложíша, вопиюще:/ отéц нáших Бóже, благословén еси.*

Дíвным воздержáнием умертвív плотскíя страсти,/ сосúд чист и Боговсéльный был еси;/ тёмже совершáющая светонóсную твою пáмьять прíсно поминай, поющия:/ отéц нáших Бóже, благословén еси.

Ёже на нас вражияго ополчénия избéг,/ легко прешёл еси к Гóрним обителем,/ идéже ныне водворяяся и пóчесть слáвы восприёмля,/ со всéми святýми воспеваéши:/ отéц нáших Бóже, благословén еси.

Возлюбíл еси хúдость рíзную, преподóбне,/ и отвéрглся еси мягких, слáвлящих тéло,/ весть бо душá сообразовáти внúтренняя внéшнему устроéнию,/ смиряющися и зовúщи:/ отéц нáших Бóже, благословén еси.

Богородичен: *Имя превожделénное, Владычице,/ пресвётлаго сóлнца óблаче и двéре небéсная,/ всех христиáн мольбú приими,/ Тя ублажáющих и Сýну Твоемú зовúщих:/ отéц нáших Бóже, благословén еси.*

Песнь 8

Ирмос: *Покрыва́яй водами превы́спренняя Своя,/ полага́яй мóрю предéл песок и содержáй вся,—/ Тя поёт сóлнце, Тя слáвит луна́,/ Тебé прино́сит песнь вся тварь/ я́ко Содéтелю всех во вéки.*

Истинное целомúдрие стяжав попремно́гу/ и чистотú телéсную, я́коже подобáет святýм,/ смирение и сокрушénие сёрдца вельми преумно́жил еси/ и скóрбных нанесénие, радуясь, приимáл еси, Бóгу воспева́я:/ благословíte, вся дела́ Госпóдня, Гóспода.

Пожи́л еси на землí, я́ко бесплóтен;/ человек úбо быв естеством,/ явíлся еси сограждани́н Ангелом, óтче мúдре,/ с нíмиже ныне поéши, зовы́й:/ благословíte, вся дела́ Госпóдня, Гóспода.

Обличíл еси хúльных еврей/ и свирéпеющия на ста́до Бóжие вóлки еретическия,/ пáлицею же

моли́тв твои́х и учéний далéче от Цéркве Бóлгарска́я отгна́л еси́, / я́же доны́не кúпно с тобо́ю воспевáет, зову́щи: / благословите́, вся дела́ Гóсподня, Гóспода.

Богородичен: Хра́м Тво́й святы́й щито́м ве́ры сохрани́, Богоро́дице Де́во, / и в нем славосло́влящия́ Тя кúпно сла́вы Твоея́ сподо́би, / нахожде́ния ва́рварскаго́ избавля́ющи / и ума́ нашего́ во́лны свирéпья укроща́ющи моли́твою Твое́ю, Всепéтая.

Песнь 9

Ирмос: Благо́словен Гóсподь, Бог Изра́илев, / воздвигну́вый рог спасе́ния нам / в до́му Дави́дове, о́трока Своего́; / в ни́хже посети́ нас Восто́к с вы́соты / и напра́вил ны е́сть на пу́ть ми́ра.

Во Еди́но Естество́ Трои́цы ве́ровав правосла́вно, / сýетная поуча́ющих обличи́л еси́ дерзнове́нно / и Божéственными наказáнии твои́ми ве́рных, му́дре увещáв, укрепил еси́, / А́нгелов сослужите́лю, преподо́бне о́тче, / па́мять твою́ пра́зднующих в ми́ре соблюди́.

А́ще у́бо и слезáми го́рькими / ни́ву се́рдца твоего́ напои́ти до́лженствовал еси́, о́тче Богоно́се, / но ны́не в ра́дости рукоя́тия* собира́еши, подвиго́в твои́х по́чести; / те́мже ты вси ублажа́ем.

Лука́вых духо́в кова́рства спасе́ся душа́ тво́я святáя, блаже́нне, / и, де́монов стреля́ния избежа́вши, насле́дия Небе́снаго сподо́бися; / помина́й у́бо пою́щая ты.

Богородичен: Услы́ши моли́тву убо́гих нас, Богома́ти, / всех тва́рей Творца́ поро́ждшая / и всю тварь Божéственною сла́вою превозше́дшая, / и изба́ви нас от вра́жиих всех нападе́ний, Ты велича́ющая.

Светилен глас 3.

Подобен: Посети́л ны е́сть:

И́ноков учи́телю и правосла́вных утвержде́ние, / де́монов победите́лю и злочестивы́х обличе́ние, / Феодо́сие, о́тче наш, / моли́твами твои́ми срóдных твои́х при́сно огражда́й.

* рукоя́тия—охапки, снопы

Слава, и ныне, Богородичен:

Яко имущи велие милосердие, / призри, Всепетая Богородице, на мое немощное смирение / и страстей молву разоры, Отроковице, / и огня геенскаго избави мя всеильными Твоими молитвами.

На хвалитех стихиры, глас 5.

Подобен: Преподобне отче:

Преподобне отче Феодосие, / еще в юности уязвився жалом любви Божия, / уподобился еси купцу, ищущему драгача бисера, / и пчеле трудолюбней, / обходящей пажитей множества / пресладкаго ради меда благочестия. / И Богу, ты водящу, / обрел еси Григория, / великаго светильника иноческаго любомудрия, / и наполнил еси сосуд души твоей / сладости неизглаголанная / безмолвия и Богозрения, / Христа приим в сердце твое Единовсельника, / Того моли, Тому помолися, преподобне, / даровати душам нашим мир и велию милость.

Преподобне отче Феодосие, / повнегда согрелся еси огнем Духа Святаго, / якоже кокош птенцы своя под криле, / собрал еси духовных чад множество / на горе Кефаларстей, / и наказаньи Богодуховенными / очисти еси души их от неприязни лукаваго, / и Ангелом сожителей соделал еси я: / Романа убо блаженнаго, / и Евфимия многотрадальнаго, / и Дионисия Богопросвещеннаго, / и прочих всех в рай сладости ввел еси Христа Бога нашего. / Того моли, Тому помолися, преподобне, / даровати душам нашим мир и велию милость.

Преподобне отче Феодосие, / по горам пустынным псаломски превитая / и Бога всеусердно любя паче всех, / но и херувимски всюду проникая многими очесы, / не небрег еси столпа истины и утверждения — / Церкви Божия, / ереси бо открывая / и на соборех дерзновенно обличая, / Православие чисто соблюл еси / и в нем незыблемо людей твоих утвердил еси / на основании Единого Христа Бога нашего. / Того моли, Тому помолися, преподобне, / даровати душам нашим мир и велию милость.

Преподобне отче Феодосие, / течение совершившу ти земное / и веру Православную соблювшу, / и венцем уготованным тебе, бывшим в Царствии Небесном, / попусти Господь до конца истлети плоти твоей недугом, / во еже духу твоему паче обновитися. / Любовь же друга подвижаемь / и мира святого желанием, / отшел еси в чуждую, / яко да отгуду во отечество Горнее возлетити / и, Ангелом поющим, / душу твою предаши в руке Христа Бога нашего. / Того моли, Тому помолися, преподобне, / даровати душам нашим мир и велию милость.

Слава, глас 6:

Великий древле Антоний, / бегая мира суеты / и в пустыню вселився, / монашествующим бысть отец / и первообраз безмолвия, / но изыде паки в мир, / на враги Церкви ополчаяся, / мучителей еллинов и Ария злочестиваго. / Отцу сын последуя, Феодосий блаженный, / аще и в пустыни безмолвствуя, / но обаче ревностию соблюде / Невесты Жениха Небеснаго белую чистоту, / Церкви Христа Бога нашего / святое Православие. / Темже и сугубыя венцы прият / от десницы Вышняго / преподобия же и учительства, / моляся непрестанно о душах наших.

И ныне, Богородичен: Богородице, Ты еси лоза истинная:

Славословие великое и отпуст.

НА ЛИТУРГИИ

Блаженны от канона преподобнаго, песни 3-я и 6-я. Прокимен, глас 7: Честна пред Господем / смерть преподобных Его. **Стих:** Что воздам Господеву о всех, / яже воздаде ми? **Апостол к Галатам, зачало 213.** Аллилуия, **глас 8:** Блажен муж, бойся Господа, / в заповедех Его восхощет зело. **Стих:** Сильно на земли будет семя его. **Евангелие от Матфея, зачало 10. Причастен:** В память вечную будет праведник:

